

二十二

儒教

人集

至字考

六十一番

儒教

禮記

卷之八

禮記古之教者家有塾黨有庠遂有序國有學比年入學中年
考校一年視離經辨志三年視敬業樂群五年視博習親師七
年視論學取友謂之小成九年知類通達強立而不反謂之大
成

大學之教也時教必有正業退息必有居學不學操縵不能安
絃不學博依不能安詩不學雜服不能安禮不興其藝不能樂
學故君子之於學也藏焉修焉息焉游焉

儒有席上之珍以待聘夙夜強學以待問懷忠信以待舉力行
以待取其自立有如此者 儒有不寶金玉而忠信以為寶
不祈土地而立義以為土地不祈多積而多聞以為富難得而

易祿也易祿而難畜也

儒有今人與居古人與稽今世行

之後世以爲楷適弗逢世上弗援下弗推諂諂之民有比黨而危之者身可危也而志不可奪也雖危起居竟信其志猶將不

忘百姓之病也其憂思有如此者

充誦於富貴不恩君王不畏長上不閔有司故曰儒

周禮大司徒以鄉三物教萬民而賓興之一曰六德智仁聖義

中和二曰六行孝友睦姻任卹三曰六藝禮樂射御書數

以五禮防萬民之僞而教之中以六樂防萬民之情而教

之和

老子上士聞道勤而行之中士聞道若存若亡下士聞道大笑

之不笑不足以爲道故建言有之明道若昧夷道若類進道若

退上德若谷大白若辱廣德若不足建德若偷質直若渝大方

無隅大器晚成大音希聲大象無名道隱無名夫惟道善貸且

成

古之善爲士者微妙玄通深不可識夫惟不可識故強爲之容

豫兮若冬涉川猶兮若畏四鄰儼若客渙若冰將釋敦兮其若

璞曠兮其若谷渾兮其若濁孰能濁以靜之徐清孰能安以久

之徐生保此道者不欲盈是以能敝不新成

吾言甚易知甚易行天下莫能知莫能行言有宗事有君夫惟

無知是以不知知我者希則我貴是以聖人被褐懷玉

晉語文公問胥臣曰吾欲使陽處父傳謹也而教誨之其能善

之乎對曰是在謹也籩箪不可使俛戚施不可使仰僬僬不可

使舉侏儒不可使援矇矇不可使視嚚瘖不可使言聾聵不可使聽僮昏不可使謀質將善而賢良贊之則濟可矣也若有違質教將不入其何善之爲公曰然則教無益乎對曰胡爲文益其實故人生而學非學不入公曰柰夫八疾何對曰官師之所材也戚施直縛籛蒙矇侏儒扶盧矇矇脩聾聵聵司火僮昏嚚瘖僂官師所不材也以實齋士夫教者因體能質而利之者也若川然有原以印浦而後大

莊子詩以道志書以道事禮以道行樂以道和易以道陰陽春秋以道名分其數散於天下而設於中國者百家之學時或稱而道之天下大亂賢聖不明道德不一天下多得一察焉以自好譬如耳目鼻口皆有所明不能相通猶百家衆技也皆有所長時有所用雖然不該不徧一曲之士也

荀子今之世飾邪說文奸言以亂天下混然不知是非治亂之所存是它蠶魏牟也忍情性以異爲高不足以明大衆明大分是陳仲史鱒也上功用大儉約而謾差守是墨翟宋鉞也上則取聽於上下則取從於俗不可以經國定分是謹到田駢也不法先王不是禮義而好治怪說辨而無用是惠施鄧析也然皆持之有故其言之成理足以欺惑愚衆者也畧法先王而不知其統今夫仁人上則法禹舜之制下則法仲尼子弓之義以務息十二子之說如是則天下之害除聖主之迹著矣
高上尊貴不以驕人聰明聖智不以窮人齊給速通不爭先人剛毅勇敢不以傷人不知則問不能則學雖能必讓然後爲德

君子言有壇宇行有防表道有一隆言致治之求不下於安存
言至意之求不下於事言道德之求不貳後王道過三代謂之
蕩法貳後王謂之不雅高之下之小之巨之外是矣是君子
之所聘志意於壇宇宮庭也

大儒之效武王崩成王幼周公屏成王而及武王以屬天下惡
天下之倍周也履天下之籍聽天下之斷偃然如固有之而天
下不稱貪焉殺管叔虛殷國天下不稱戾焉兼制天下立七十
一國姬姓獨居五十三人而天下不稱偏焉教誨開導成王使
諭於道而能揜迹文武周公歸周反籍於成王而天下不輟事
周

彼學者行之曰士也敦慕焉君子也知之聖人也上為聖人下

為士君子孰禁我哉鄉也混然塗之人也俄而並乎堯禹豈不
賤而貴哉鄉也效門室之辨混然曾不能決也俄而原仁義分
是非圖迴天下於掌上而辨白黑豈不愚而智矣哉鄉也胥靡
之人俄而治天下之大器舉在此豈不貧而富矣哉塗之人可
以為禹則
然塗之人能為禹未必然也雖不能為禹無害可以為禹足可
以徧行天下然而未嘗有能徧行天下者也夫工匠農賈未嘗
不可以相為事也然
而未嘗能相為事也

司馬談六家要指陰陽之術太詳而多忌諱使人拘而多畏然
其敘四時之大順不可失也儒者博而寡要勞而少功是以其
事難盡從然其序君臣父子之禮列夫婦長幼之禮不可易也
墨者儉而難遵是以其事不可徧循然而強本節用者不可廢
也法者嚴而少恩然其正君臣上下之分不可改也名家者使

人儉而善失真然而正名實不可廢也道家者使人精明專一動合無形其爲術也因陰陽之大順采儒墨之善撮名法之要與時遷徙應物變化旨約而易操事少而功多

儒林傳今上即位趙綰王臧之屬明儒學而上亦鄉之於是招方正賢良文學之士自是之後言詩於魯則申培公於齊則轅固生於燕則韓太傅言尚書自濟南伏生言禮自魯高堂生言易自菑川田生言春秋於齊魯自胡毋生於趙自董仲舒及竇太后崩武安田蚡爲丞相黜黃老刑名百家之言延文學儒者數百人而孫弘以春秋白衣爲天子三公封以平津侯天下之學士靡然鄉風矣

班固論九家儒家者流助人君明教化游心於六經之中留意於仁義之際於道最爲高唐虞之際商周之盛仲尼之業已試之效者也然惑者既失精微而僻者又隨時抑揚遠離道本苟以譁衆取寵是以五經乖析儒學寢衰此辟儒之患也道家者流清淨以自守卑以自持此其所長也及放者爲之則絕去禮學兼棄仁義陰陽家者流曆象日月星辰敬授人時此其所長也及拘者爲之則牽於禁忌舍人事而事鬼神法家者流信賞必罰以輔禮制此其所長也及刻者爲之則無教化去仁愛任則法而傷恩薄厚名家者流古者名位不同禮亦異數此其所長也警者爲之則折亂而已墨家者流貴儉兼愛上賢右鬼非命上同此其所長也及蔽者爲之見儉之利因以非禮推蕪愛之意而不別親疎縱橫家者流權事制宜此其所長也及邪人

爲之則上詐讓而棄其信雜家者流兼儒墨合名法見王治之
無不貫此其所長也及盪者爲之則漫羨而無所歸心農家者
流播百穀勸農桑此其所長也及鄙者爲之欲使君臣並耕悖
上下之序小說家者流或一言可采此亦芻蕘狂夫之義致遠
恐泥是以君子弗爲也夫諸子者皆起於王道既衰時君世主
好惡殊方是以九家之術蠡出並作各引一端崇其所善以此
持說取合諸侯雖有蔽短合其要歸亦六經之支與流裔使其
人遭明王聖主得其所折中皆股肱之才也若能修六藝之術
而觀此九家之言舍短取長則可以通萬方之畧矣

儒林贊自武帝立五經博士開弟子員設科射策勸以官祿訖
于元始百有餘年傳業者寢盛支葉蕃滋一經說至百餘萬言
大師衆至千餘人蓋利祿之路然也初書唯有歐陽禮后
春秋公羊而已至孝宣世復立大小夏侯尚書 大小戴禮施
孟梁丘易穀梁春秋至元帝世復立京氏易平帝時又立左氏
春秋毛詩逸禮古文尚書所以罔羅遺失兼而存之是在其中
矣

楊子好書而不要諸仲尼書肆也好說而不要諸仲尼說鈴也
君子言也無擇聽也無淫擇則亂淫則辟述正道而稍邪侈者
有矣未有述邪侈而稍正也孔子之道其較且易也

或問神曰心請問之曰潛天而天潛地而地天地神明而不測
者也心之潛也猶將測之况於人乎况於事倫乎敢問潛心於
聖曰昔仲尼潛心於文王矣達之顏淵亦潛心於仲尼矣未達

一間耳神在所潛而已矣天神天明照知四方天精天粹萬物作類

文中子吾視千載以上聖人在上者未有若周公焉其道則一而經制大備後之為政有所持循吾視千載以下未有若仲尼焉其道則一而述作大明後之修文者有所折衷矣千載而下有申周公之事者吾不得而見也千載而下有紹宣尼之業者吾不得而讓也

王孝逸曰惜哉夫子不仕哲人徒生矣賈瓊曰夫子豈徒生哉以萬古為兆人五常為四國三才九疇為公卿又安用仕重常曰夫子以續詩續書為朝廷禮論樂論為政化贊易為司命元經為賞罰此夫子所以生也叔恬聞之曰孝弟為社稷不言為

宗廟無所不知為富貴無所不極為死生天下宗之夫子之足矣

宋濂七儒解

游俠文史曠達智數章句事功道德

道德之儒孔子是也千萬世之

所宗也其道則仁義禮智信也其倫則君臣父子兄弟夫婦長幼朋友也其事易知且易行也能行之則身可備也家可齊也國可治也天下可平也司馬遷以儒與五家並列苟知論儒有大小揚雄謂通天地人曰儒通天地而不要皆不足以知儒也必學至孔子然後無愧於儒之名也春秋正義辨名記倍人曰

日英倍英日賢萬人日傑倍傑日聖

刊定世家端木子貢聖像贊闕里宣聖道賢於堯生而圩頂類類臯陶有似子產舜目禹腰萬古一人刪述功高科蚪傳神宇

宙曜靈瞻仰日新研窮聖經明德親民絜矩治平得統斯文中
天大明

秦始皇二十七年東巡至魯觀孔子宅召孔子九世孫鮒為魯
國文通君拜少傅先是孔子將終遺秘書曰不知何方一男子
自秦秦始皇上我堂踞我床顛倒我衣裳行至沙丘而亡後皆
如其言

漢武帝中元元年起辟雍鍾離意為魯相出私錢付戶曹孔訢
脩孔子車身入廟拭几席劔履男子張伯除堂下草得璧七枚
懷其一以六枚白意孔子教授堂下牀頭懸一甕召訢問訢曰
夫子甕也背有丹書意發視之中有素書曰後世脩吾書董仲
舒護吾車拭吾履發吾筭會稽鍾離意壁有七張伯懷其一

明帝永平二年詔郡國縣道行鄉飲酒于學校皆祀先聖先師

周公孔子梅福云今仲尼之廟不出闕里故永平初郡縣學校

德二年始詔國子學並立周孔廟正觀四年詔

州縣皆作孔子廟而天下之學始盡祀孔子

章帝元和二年二月車駕東巡過魯庚寅幸闕里以太牢祀孔

子及七十二子晉武帝泰始三年詔魯國及太

學四時祀孔子及七十二子

魏齊王芳正始七年使太常以大牢祀孔子於辟雍以顏淵配

釋奠用幣以孔子為聖

顏淵為師自魏齊王始

唐太宗貞觀二十一年詔左丘明公羊高穀梁赤伏勝高堂生
戴聖毛萇孔安國劉向鄭眾賈逵杜子春馬融盧植鄭玄服虔
何休王肅王弼杜預范甯二十一人並配享孔子廟庭

唐玄宗開元二十七年追謚孔子為文宣王贈弟子為公侯伯

自今孔子南向先是祀先聖先師周公南向孔子東向

宋太祖建隆元年繪先聖亞聖十哲像畫七十二賢及先儒二

十一人像于東西廡自書贊于孔顏座端真宗大中祥符二年追封孔子弟子七十

二人自顏回而下閔損至卜商俱公開元侯爵顏孫師至顏噲俱侯開元伯爵

神宗元豐六年追封孟軻為鄒國公

度宗咸淳三年升曾參孔伋配食大成加閔損卜商俱國公改

顏孫師為陳國公升十哲

配享位序交國公邾國公沂國公鄒國公居正位之東面西向

北為配位費公閔損薛公冉雍黎公端木賜衛公仲由魏公卜

商居殿上東面西向北上鄆公冉耕齊公宰子徐公冉求吳公

言偃陳公顓孫師居殿上西面東向北上為從祀東廡金鄉侯

淮臺滅明任城侯原憲汝陽侯南宮适萊蕪侯曾點須昌侯

瞿平輿侯滕雕開睢陽侯司馬耕平陰侯有若東阿侯巫馬施陽

谷侯頽辛上蔡侯曹卹杖江侯公孫龍馮翊侯秦祖雷澤侯顏

高上邽侯壤駟赤成邑侯石作蜀鉅平侯公夏首膠東侯后處

濟陽侯奚容點富陽侯顏祖滄陽侯句井疆鄆城侯秦商即墨

侯公孫句茲武城侯縣成汎源侯燕伋宛句侯顏之僕建成侯

樂欬堂邑侯顏何林慮侯狄墨鄆成侯孔忠徐城侯公西點臨

濮侯施之常華亭侯秦非文登侯申棖濟險侯顏噲泗水侯孔

鯉蘭陵伯荀况睢陵伯穀梁赤萊蕪伯高堂生樂壽伯毛萇彭

城伯劉向中牟伯鄭衆緱氏伯杜子春良鄉伯盧植滎陽伯服

虔司空王肅司徒杜預昌黎伯韓愈河南伯程頤新安伯邵雍

溫國公司馬光華陽伯張栻凡五十二人並西向西廡單父侯
宓不齊高密侯公冶長北海侯公皙哀曲阜侯顏無繇共城侯
高柴壽張侯公伯寮益都侯樊須鉅野侯公西赤千乘侯梁鱣
臨沂侯冉孺沐陽侯伯虔諸城侯冉季濩陽侯漆雕哆高宛侯
漆雕徒父鄒平侯商澤當陽侯任不齊牟平侯公良孺新息侯
秦冉梁父侯公肩定聊城侯鄒單祁鄉侯罕父黑淄川侯申黨
厭次侯榮旂南華侯左人郟胸山侯鄭國樂平侯原元胙城侯
廉潔博平侯叔仲會高堂侯邾異臨朐侯公西與如內黃侯邊
城長山侯林放南頓侯陳亢陽平侯張琴博昌侯步叔乘中都
伯左丘明臨淄伯公羊高乘氏伯伏勝考城伯戴聖曲阜伯孔
安國成都伯楊雄岐陽伯賈逵扶風伯馬融高密伯鄭玄侯城

伯何休伯桓伯王弼新野伯范甯汝南伯周敦頤伊陽伯程頤

郟伯張載徽國公朱熹開封伯呂祖謙凡五十二人並東向

太祖洪武元年傳制遣祭遣官以太牢祀先師孔子于國學仍

遣使詣曲阜致祭二十八年行人司副楊砥奏黜楊雄而進董仲舒

英宗正統二年進宋儒胡安國蔡沈真德秀七年楊士奇議以吳澄從祀晉江黃

光昇以澄忘宋事元至嘉靖中黜之

世宗嘉靖十年從輔臣張璁議作正孔子祀典說改大成至聖

文宣王為至聖先師孔子四配為復聖顏子宗聖曾子述聖子

思子亞聖孟子從祀及門弟子稱先賢左丘明以下稱先儒去

塑像設木主罷諸封爵存棖去黨寮冉何況聖向達融休肅弼

預澄十三人罷祀瑗放玄衆植虔甯七人祀於其鄉進后蒼王

通胡瑗歐陽脩又以行人薛侃進陸九淵改稱大成殿為先師廟大成門為廟門凡遠豆樂舞之數皆更定焉

萬曆進薛瑄胡居仁王守仁陳

獻章四人從祀

按祖庭廣記稱先聖異表凡四十九反首注面月角日準河日海口龍頰蚪唇昌頰均頤輔喉駢齒龍形龜脊虎掌胼脇修脰參膺圻項山臍林背翼臂注頸阜腴提眉地足谷竅雷聲澤腹脩上趨下末僂後耳面如蒙俱手垂過膝耳垂珠庭眉有十二彩目有六十四理立如鳳峙坐似龍蹲手握天文足履度字望之如仆就之如升視若管四海躬履謙讓胸有文曰制作定世符身長九尺六寸腰大十圍蓋姪則麒麟吐玉水精繼周生則二龍繞室五老降庭將逝獲麟聖母繫角繡紱猶在先儒多謂

不經至聖非世自異生民未有何足怪哉

據五行書謂孔子以庚戌年二月二十三日庚子甲申時生按

庚戌周靈王二十一年實魯襄公二十二年長歷果以二月二

十三為庚子卒於周敬王四十五年壬戌四月己丑為哀公十

六年享年七十三史記世家亦謂魯襄公二十二年而孔子生

無月日公羊則書襄公二十一年十一月庚子孔子生穀梁則

繫十月後蓋十二月二十二日庚子也是歲己酉閏申以元術

論節過在子可作庚戌推命仍是己酉紀年既云己酉十二月

二十二日則亦非庚戌二月二十三日矣故劉恕外紀謂孔子

年七十四而黃東發日抄闕里譜系家語圖皆謂己酉十月庚

子生朱子刊正世家年仍史記月日用公羊索隱年信公羊而

謂史記云二十二年蓋誤于以周正十一月屬明年爾故宗二
傳年者外紀日抄譜系家語圖也為已酉十月二十一日宗世
家言者祖庭記路史也為庚戌十月二十七日然公穀去聖未
遠二十一年兩傳符契固當以已酉歲八月癸酉二十一日為
信又公穀皆記生左氏獨記卒為壬戌歲四月已丑是年四月
戊申朔有乙丑無已丑已丑在五月十一日林開何據而謂四
月戊戌戌亦不在五月故祖庭記直以為四月乙丑乙巳字
近蓋是年四月丁巳夜夢真兩楹明日戊午反手曳杖歌泰山
梁木與子貢占之寢疾七日而卒則乙丑夏正亦當為二月故
其生也以已酉歲八月癸酉之二十一日庚子甲申時其卒也
以壬戌歲二月癸卯之十八日乙丑午時志在春秋死生以
之二仲上丁月道會焉異哉

代醉篇何子容曰今世所傳家語僅七十五人懸豐今家語作
懸豐字子蒙禮記檀弓篇縣子疑即其人而祀典今不及焉家
語薛邦字子徒申績字子周與史記鄭國申黨同字蓋邦即國
也績即黨論語釋文申振鄭康成云蓋孔子弟子申績史記云
申棠字周家語云申績字周今史記以棠為黨以績為績其為
訛寫無疑後漢王政云有羔羊之潔無申棠之欲是以振為棠
也史記索隱謂文翁圖有申振今圖有黨無振是以黨為振也
唐宋加封申黨申振尚列從祀薛邦之為鄭國姓名猶頗相遠
二申猶二琴也不祀二琴而祀二申何耶嘉靖九年釐正祀典
罷公伯寮秦冉顏何之祀祀林放蘧伯玉子鄉而去黨存振去

薛存鄭于是從祀之典始無餘恨

揚方震曰我朝理學之士薛文清瑄陳克庵選為最明致齋居仁羅一峯倫章楓山懋亞之陳白沙憲章只味禪會莊定山景只是一箇詩人與黃木軒仲昭言行皆未見灼灼陳剩夫真晟只是狷介之士鄒吉士智忠鯁名臣不必列于道學而所遺者前有曹月溪端後有何叔丘喬新邵二泉寶羅整庵欽順皆當續入

儒學

魯語敬子曰天子大采朝日與三公九卿祖識地德日中考政與百官之政事師尹維旅牧伯宣序民事以采夕月與太史司載糾虔天刑日入監九御使潔奉禘郊之粢盛而後即安諸侯

朝修天子之業命書考其國職夕省其典刑夜儆百工使無愒淫而後即安卿大夫朝考其職書講其庶政夕序其業夜庀其家事而後即安士朝而受業晝而講貫夕而習復夜而計過無憾而後即安自庶人以下明而動晦而休無日以怠君子勞心小人勞力先王之制也自上而下誰敢淫心舍力

列子列子學也三年之後心不敢念是非口不敢言利害始得老商一眇而已五年之後心庚念是非口庚言利害老商始解頰而笑七年之後從心之所念庚無是非從口之所言庚無利害夫子始一引吾並席而坐九年之後橫心之所念橫口之所

言亦不知我之是非利害歟亦不知彼之是非利害歟外內進

矣墨子南使衛載書甚多唐子見而怪之墨子曰昔周公旦朝讀書百篇夕見七十二士相天下猶如此吾安敢廢書也

荀子學不可以已青出於藍而青於藍冰水爲之而寒於水木直中繩輮以爲輪其曲中規雖有槁暴不復挺者輮使之然也故木受繩則直金就礪則利君子博學而日參省乎已則知明而行無過矣

登高而招臂非加長也而見者遠順風而呼聲非加疾也而聞者彰假輿馬者非利足也而致千里假舟楫者非能水也而絕江河君子生非異也善假於物也

故不積跬步無以至千里不積小流無以成江河騏驥一躍不能十步駑馬十駕功在不舍鍤而舍之朽木不折鍤而不舍金石可鏤蟻無爪牙之利筋骨之強上食埃土下飲黃泉用心一也蟹六跪而二螯非蛇蟻之穴無所寄托者用心躁也

學惡乎始惡乎終曰其數則始乎誦經終乎讀禮其義則始乎爲士終乎爲聖人真積力久則入學至乎沒而後止也

故頭步不休跛鼈千里累土不輟丘山崇成厭其源開其瀆江河可竭一進一退一左一右六驥不致彼人之才性之相懸也豈若跛鼈之與六驥足哉然而跛鼈致之六驥不致是無他故焉或爲之或不爲之耳道雖適不行不至事雖小不爲不成其爲人也多暇日者其出入不遠矣

君子行不貴苟難說不貴苟察名不貴苟傳唯其當之爲貴

人之於文學也猶玉之於琢磨也詩云如切如磋如琢如磨謂學問也和之璧井里之厥也王人琢之爲天下寶子貢季路故鄙人也被文學服禮義爲天下列士學問不厭好士不倦是天

府也

史記蘇秦曰夫士業已屈首受書而不能以取尊榮雖多亦奚

以為於是得周書陰符伏而讀之期年以攻揣摩曰此可以說

當世之君矣西京雜記康衡勤學邑有大姓多書乃與客作不

求其價主怪問之曰愿將主人書編通讀之主感

後成大
說苑師曠曰臣聞之少而好學如日出之陽壯而好學如日中

之光老而好學如炳燭之明孰與昧行乎

楊子或曰學無益也如質何曰未之思也夫有刀者礪諸有玉

者錯諸不礪不錯焉彼用礪而錯諸質在其中矣螟蠕之子殪

而逢蝶羸祝之曰類我類我久則肖之矣速哉七十子之肖仲

尼也學以治之思以精之朋友以磨之名譽以崇之不倦以終

之可謂好學也已矣孔子習周公者也顏淵習孔子者也羿逢

蒙分其弓良捨其策般投其斧而習諸孰曰非也

晞驥之馬亦驥之乘晞顏之人亦顏之徒也或曰顏徒易乎晞

之則是曰昔顏回常晞夫子矣正考甫常晞尹士甫矣公子奚

斯常晞正考甫矣如不欲晞則已矣如欲晞孰禦焉

或曰使我紆朱懷金其樂不可量也曰紆朱懷金之樂不如顏

氏子之樂顏氏子之樂也內紆朱懷金之樂也外或曰請問屢

空之內曰顏不孔雖得天下不足以為樂然亦有苦乎曰顏苦

孔之卓也或人瞿然曰茲苦也祇其所以為樂也歟

世說朱公叔耽學專精銳意講明或時思至不自知志失衣冠

顛墜阮岸其父以為專愚幾不知馬之幾足

孫討逆謂虞仲翔曰孤昔再至壽春見馬礪及與中州士大夫
言我東方人多才耳恨學問不博語議有所不及孤意猶謂未
爾卿博學洽聞故欲令卿一詣許交見朝士以折中國妄語兒
卿不願行便使張子綱恐子綱不能結兒輩舌也

褚季野語孫安國云北人學問淵綜廣博孫答曰南人學問清
通簡要支道林聞之曰聖人固所忘言自中人以還北人看書
如顯處視月南人學問如牖中窺日

殷仲堪云三日不讀道德經便覺舌本間強金樓子有人讀書
把卷即睡梁人因

呼為黃姑怡神
養性如乳媪也

李永和杜門却掃絕跡下帷棄業營書手自剛削每嘆曰丈夫
擁書萬卷何假南面百城

宋書劉幾死妻聚書千餘卷指示諸子曰汝父謂此為墨莊今

貽汝輩為學殖之具左周原伯魯不悅學閔馬父曰
學殖也不學將落原氏其亡乎

筆談宋宣獻博學喜藏異書皆手自讎校嘗謂校書如掃塵一
面掃一面生每三四校猶有脫誤

陸務觀書巢記吾室之內或栖于櫝或陳于前或枕藉于床俯
仰四顧無非書者賓客不至妻子不覲雨風雷電之交有不知
也問者意欲起而亂書圍之如頂稿枝或至不得行輒自笑曰
此非吾所謂巢者也耶淮南王壽負書而行見徐馮曰事者應
變而動變生於時故知時者無常行書
者言之所出也言出於知者知者
藏書於是王壽乃焚書而舞之

世說補山谷與人書云每相聚輒讀前漢書數葉甚佳人冑中
久不用古今澆灌之則塵俗生其間照觀則面目可憎對人亦

語言無味

秦少游自言少時讀書有強記之力而常廢於不勤及長聰明衰耗有勤苦之勞而常廢於善忘因讀齊史見孫奉答邢辭云我有精騎三千足敵君高驍卒數萬心善其說著書曰精騎集

代醉編鷓林氏曰今悠悠之徒一登仕籍即傲然自足見人著

作轉相嗤笑動以蕭雍州恭為言恭見梁元帝居藩勤心著述

卮酒未嘗妄進每語人曰下官歷觀人世多有不好懽樂乃仰

眠床上看屋梁而著書千秋萬歲誰傳此者勞神勞思竟不成

名豈若臨清風對明月登山涉水肆意酣歌夫未能聞道輒意

求名誠為可笑然與潦倒杯酒沉惑揪枰浪度一生者亦自有

間昔李琰之每休假之暇閉門讀書不交人事曰吾好讀書非

求身後之名但異見異聞心之所願是以孜孜探討欲罷不能

豈為聲名勞七尺也誦琰此語不覺神

薛文清讀書錄凡人纔學便須知着力處既學便須知得力處

一息不可不涵養涵養只在坐作動靜語默之間

居敬有力則窮理愈精窮理有得則居敬愈固如存心端坐之時此居敬也或

讀書而思索義理或處事而求其當否此窮理也

造化翕寂專一則發育萬物有力人心寧靜專一則窮理作事

有力

古今人只被一好奇壞了文章好奇便不是天地間一種好文

童學問好奇便不是天地間一箇正學問白沙云吾人學不到古人處每事要高人

一着做來畢竟不是蓋緣不是義理發源來只要高去故差自俗觀之故相雲泥若律以道均為未盡

存處涵養吾天理行處體貼吾天理有欲則人得而中之惟無欲彼無自而入嘗沉靜

則含蓄義理深而應事有力

古語曰敬德之聚也此語最宜潛體蓋道妙莫測靡有攸定惟敬則能凝聚得此理常在如心敬則能凝聚得德在心上貌敬則能凝聚得德在貌上以至耳目鼻口之類無不皆然或有不敬則心君放逸而天德亡百體懈弛而物則廢雖曰有人之形其實塊然血氣之軀與物無以異矣此敬之一字乃聚德之本而為踐形盡性之要也與

學在知其所有又在養其所有能知學路不差能養學力不斷這纔是真聖脉

心如鏡敬如磨鏡鏡纔磨則塵垢去而光彩發心纔敬則人欲

消而天理明無事時不教心空有事時不教心亂

之求之於身而後求之於書則讀書方有味以我觀書則隨處得益以書博我則

釋卷

窮理後便有才誠意後便有德

趨向正的人方好讀書古人從無欲而學故理會利害即是義理今人以有欲而學即會義理亦是利害

學不為己根本已失讀書窮理皆非自己之物

讀書不體貼向自家身上做工夫雖盡讀古今天下之書猶無益也

見得理明須一一踐履過則事與理相安而皆有着落處若見理雖明而不一一踐履過則理與事不相資終無可依據之地

曾點所以流於狂也元國家禮文制度法律條例之類皆能熟觀而深考之則有以應時世務而不戾乎

宜時

程子論恭敬曰聰明睿知皆由此出蓋人能恭敬則心肅容莊視明聰聰乃可以窮衆理之妙不敬則志昏氣逸四體放肆雖粗淺之事尚泯然而不能察况精微之理乎以是知若敬窮理二者不可偏廢而居敬又窮理之本也

論萬事皆當以三綱五常爲本學者之所講明踐履仕者之所表倡推明皆當以三綱五常爲本舍此則學非所學仕非所仕

也

正以處心廉以律己忠以事君恭以事長信以接物寬以符下教以事君此居官之七要也處大事識爲先斷次之

王文成集徐愛問至善只求諸心恐天下事理有不能盡先生曰心即理也天下又有心外之事心外之理乎愛曰如事父之孝事君之忠其間有許多理在恐亦不可不察先生曰姑就所問者言之且如事父不成去父上求箇孝的理事君不成去

君上求箇忠的理都只在此心心即理也此心無私欲之蔽即是天理不須外面添一分以此純乎天理之心發之事父便是孝發之事君便是忠發之交友治民便是信與仁只在此心去人欲存天理上用功便是愛曰如事父一事其間溫清定省之類有許多節目亦須講求否曰如何不講求只是有箇頭腦只是就此心去人欲存天理上講求如講求冬溫也只要盡此心之孝恐怕有一毫人欲間雜講求得此心若無人欲純是天理是箇誠於孝親的言冬時自然思量父母的寒便自要去求箇溫的道理這都是那誠孝的心發出來的條件譬之樹木須先有根然後有枝葉

知是心之本體心自然會知見父自然知孝見兄自然知弟見

孺子入井自然知惻隱此便是良知不假外求若良知之發更無私意障礙即所謂充其惻隱之心而仁不可勝用矣然在常人不能無私意障礙所以須用致知格物之功勝私復理即心之良知更無障礙得以充塞流行便是致其知致則意誠愛問先生以博文為約禮工夫請開示先生曰禮字即是理字理之發見可見者謂之文文之隱微不可見者謂之理只是一物約禮只是要此心純是一箇天理要此心純是天理須就理之發見處用功如發見於事親時就在事親上學存此天理至於作止語默無處不然這便是博學之於文便是約禮的工夫博文即是維精約禮即是維一辟之要得此米從然潔白便是惟一然非加舂簸篩揀惟精之行焉亦以為惟精而求惟一也

陸澄問主一之功如讀書則一心在讀書上接客則一心在接客上可以為主一乎先生曰好色則一心在好色上好貨則一心在好貨上可以為主一乎是所謂逐物非庄一也主一是專主一箇天理

澄曰好色好利等心固是私欲如閑思雜慮如何亦謂之私欲先生曰畢竟從好色好利等根上起自尋其根便如見汝心中夾知是無有做劫盜的思慮何也以汝元無是心也汝若於貨色名利等心皆如不做劫盜之心一般都消滅了光光只是心之本體更有甚閑思慮

梁日孚問居敬窮理是兩事先生曰天地間只有此一事安有兩事若論萬殊禮儀三百威儀三千又何止兩公且道居敬是

如何窮理是如何曰居敬是存養工夫窮理是窮事物之理曰
 存養箇甚曰是存養此心之天理曰如此亦只是窮理矣曰且
 道如何窮事物之理曰如事親便要窮孝之理事君便要窮忠
 之理曰忠與孝之理在君親身上在自己心上若在自己心上
 亦只是窮此心之理矣就窮理專一處說便謂之居敬就居敬
 精密處說便謂之窮理問窮理何以即是盡性曰心之體性也
 性即理也窮仁之理真要仁極仁窮義之理真要義極義仁義
 只是吾性故窮理即是盡性如孟子說克其惻隱之心至仁不
 可勝用這便是窮理工夫心外無物如吾心發一念孝親即孝親便是一物
 白沙文集試太學和龜山此日不再得詩畧云吾道有宗主千
 秋朱紫陽說敬不離口示我入德方義利分兩途析之極毫末

聖學信無難要在用心減善端日培養庶免物欲戕道德

膏腴文辭回批糠固邇來十六載滅迹聲利場閉門事探討

俗如驅羊隱几一室內兀兀同坐忘時祭酒邢讓云龜山不如聞者以為真儒復出彭惠

安疏潛心聖賢之書實窺體要洞達事物之理有見精微

嘗語李德季白士從事於學功深力到華落實存浩然自得則

不知天地之為大死生之為變而况於富貴貧賤功名得喪誠

伸予奪之間哉

東曉序陽谷始旦萬物畢見而居於蔀屋之下亭午不知也忽

然夜半起振衣於四千丈羅浮之崗引躬於扶木之區赤光在

海底皦如晝日仰見羣星不知其為夜半此無他有蔽則闇無

蔽則明所處之地不同所遇隨以變况人易於蔽者乎耳之蔽

聲目之蔽色知其蔽而去之人欲日消天理日明羅浮之於扶木也溺於蔽而不勝人欲日熾天理日晦部屋之於亭午也在乎思不思畏不畏之間耳

答趙提學執事謂浙人以胡先生不教人習四禮為疑僕因謂禮文雖不可不講然非所急正指四禮言耳非統論理也禮無所不統有不可須臾離者克己復禮是也若橫渠以禮教人蓋亦由是推之教事事入途輒去使有所據守耳僕年二十七始發憤從吳聘君學其於聖賢垂訓之書蓋無所不講比歸白沙惟日靠書冊累年而未有得焉所謂未得者謂吾心與此理未
有湊泊膈合處也於是舍彼之繁求吾之約惟在靜坐久之然後見吾此心之體隱然呈露若當有物日用間種種應酬隨吾

所欲如馬之御銜勒也體認物理稽諸聖訓各有頭緒未歷如

水之有源委也於是渙然自信曰作聖之功其在是乎

終養疏臣生五

十年臣母七十有九視臣之衰如在襁褓天下母子之愛雖一宜未有如臣母憂臣之至念臣之深者臣母之憂臣日甚愈憂愈病愈病愈難長久

學者先須理會氣象氣象好時百事自當此言最可玩味言語動靜便是理會氣象地頭變急為緩變激烈為和平則有大功亦遠禍之道也非但氣象好而已

人要學聖賢畢竟要去學他若道只是箇希慕之心却恐未稍未易輟泊卒至廢弛若道不希慕聖賢我還肯如此學否思量到此見得箇不容已處雖使古無聖賢為之依歸我亦住不得如此方是自得之學

士大夫出處去就分明已占了好田地更能向學求向上一看不枉費浮生歲月豈

不抵掌爲
之三歎乎

陳眉公讀書十六觀呂獻可嘗言讀書不須多讀得一字行取一字伊川亦嘗言讀得一尺不如行得一寸讀書者當作此觀倪文節公云天下之事利害常相半有全利而無少害者惟書不問貴賤貧富老少觀書一卷則有一卷之益觀書一日則有一日之益故曰有全利無少害也

范質自從仕未嘗釋卷曰嘗有異人言吾當大用苟如是言無學術何以處之

沈攸之晚好典冊常曰早知窮達有命恨不十年讀書樂石林云後人但令不斷書種爲鄉黨善人足矣若夫成否則天也

黃涪翁云學書覆瓿列史粘窓誰不惜之士厄窮途陷落冤辜聞者不憐遇者不顧聽其死生是賢紙上之字而仇腹中之文哀哉

蔡君謨嘗書小吳箋云李及知杭州日市白集一部乃爲終身之恨郎基清慎無所營嘗曰任官之所木枕亦不須作况重於此乎唯頌令人寫書樊宗孟遺之書在官寫書亦是風流罪過基答曰觀過知仁斯亦可矣

趙季仁謂羅景倫曰某生平有三願一願識盡世間好人二願讀盡世間好書三願看盡世間好山水羅曰盡則安能但身到處莫放過耳

顏之推云吾每讀聖賢之書未嘗不肅衣對之其故紙有五經詞義及賢達姓名不敢穢用也溫公謂其子曰賈豎藏貨貝儒

家惟此耳然當知寶惜今釋子老氏猶知尊敬其書豈以吾儒
反不如乎趙子昂書跋云聚書藏書良匪易事善觀書澄神端
慮淨几焚香勿捲腦勿折角勿以水侵字勿以唾揭幅勿以作
枕勿以夾刺隨損隨修隨開隨掩後之得吾書者并奉贈此法
讀書俱當作此觀

筆叢古今績學之士靡弗以勤致者尼父常編三絕母論即賢
如仲舒聰如劉向穎如子建捷如孝標其勤成百倍于世之學
者盛名所集弗虛也厥有目下十行篇成萬字而終身沒沒草
木共年母亦此道未至與偶閱唐宋諸類書因戲效昔人此事
錄而錄之

惟董仲舒李穿楊魏收讀書坐一木榻積久榻板中穿絕帶仲尼讀書常編三折滅漆又漆文三滅割席下
惟董仲舒李穿楊魏收讀書坐一木榻積久榻板中穿結繩李充讀書尚書接係細

結計數然禱顧眉豆朱倉糧擁絮江隊寇朱穆讀負圖董誥又李

生區先擔笈高允開戶劉焯劉炫各十年馮偉節三杜門諸葛穎

縣梁孫鑿壁寄廡劉峻讀書掌錄董誥錄書于掌掌鈔蘇秦張儀同

掌題黃安讀書畫地舌學董誥鈔書于掌以等身賈黃中

父取書典身等令刺股蘇折股據鞍樊深講書亡羊王育牧羊王

乘牛李密牧牛張彥棄豕承官聽經驅驢李固驅却鹿裴聚螢伐

薪高洪伐拾薪承官拾負薪劉貞采薪劉仁燃薪范任又爨薪

新葛洪供書拾薪承官拾負薪劉貞采薪劉仁燃薪范任又爨薪

新葛洪供書拾薪承官拾負薪劉貞采薪劉仁燃薪范任又爨薪

鑿范仲淹流朱漂麥高失稻顧惟失絕糧王歆絕糧燦麻峻

畫荻歐陽脩竊肉王劭閉目精思家忘羨劉節燭家為節燭滅油

沈約親置燈范純藏火祖瑩藏廣鈔異書劉竊讀官書成獄

中受書崔黃霸陌上懷書崔市肆閱書王充徐廣野地錄書董負販挾

書董採招誦書魏借讀人書劉焯劉恕留讀人書鄭然遇人卧

用警枕司馬卧不畜枕李凝塵滿席馮道落燼數升呂思為人

備書侯瑾為人都養孔安為人廝役陳為人僕隸王濛為人僮奴

游明誤入人家劉不交人事崔不問家產崔玄伯不啟家書胡

不觀伎樂秋不通權貴王晏不見不窺天子帝不對吏人狄仁

日進三卷宋太夜盡十卷沈東觀讀書黃秘閣觀書李張繼十年

不歸胡七年忘反樂羊門庭著紙左戶牖置筆王厠上誦詞錢

漢厠上索文歐陽寒暑不輟劉宣晝夜不倦江總庾仲盥櫛不

御虞世寢食不思劉恕慶吊不行荀目不窺園董仲舒三年一

五年何休手不釋卷馬懷素李思禮宦不釋卷魯肅崔林辛術

十七年卷皇甫謐裴漢疾病不釋卷

博識

山堂考索博洽之士古人所重也如左史倚相能讀三墳五典

八索九丘而右史子車能誦祈招之詩班孟堅以為董仲舒司

馬遷劉向楊雄皆博洽聞非虛言也後漢周興三墳五典無不

不究覽謝該博通群藝孔融謂之卓然五經縱橫周弼比之武

庫有若晉之裴頠博綜典籍當時號為書淫有若晉之皇甫謐

於文字禽獸草木尤稱精詳有若梁之顏協徧覽經史人主問以大義應對如響梁之徐摛也聚書萬餘卷有五經笥之目梁之任昉也號為書麓以文選講授諸生唐之李善也得集賢書讀之六年無不通唐之陽城也一經目則弗忘文宗以為當代仲尼唐之王起也此皆博於學問也前漢武帝亡書三篋惟安世能識之漢應奉錄囚數百千人姓名坐狀無所遺脫王充閱市肆賣書一見輒能誦憶荀悅每人間所見篇牘一覽亦能誦記彌衡讀蔡邕碑一覽考之不差止少石缺二字項言太宗征張建章包帛麥屑置水中模而書之不欠一字揚脩與曹操讀曹娥碑先悟黃絹壑曰之句校三十里魏王粲讀道旁碑而暗誦不失一字唐蕭穎士與李華陸據讀龍門道旁碑穎士即誦華元再閱據三乃能書

記而聞者謂三人之才於此焉分若乃所談數百千條皆王儉

之所未覩非齊之陸澄乎王儉自以博學多聞過澄澄待儉語畢談及所遺誦數百千條乃嘆曰陸

公書任昉劉諷輩以秘閣四部問其所知非齊之何憲乎湘東

王以四部書試之對及於作者之姓名非梁之臧嚴乎暗寫漢

書五行志畧無遺脫非梁之陸倕乎答劉顯漢書十事之問無

所疑滯非梁之帝載乎沈約任昉以下每有遺忘皆從訪問記

荷橐千里酒之事非梁之劉杳乎魏闕駟誦三史群言時人有

宿讀之譽唐李邕謁李嶠求見秘書試問之餘了辨如響呂向

即市閱書記問之敏能通古今韋述觀元行沖數車之書而悉

前世之事張巡誦讀不過三復終身不忘唐德宗詢凌烟閣壁

文之缺而蔣義以為聖曆侍臣圖贊梁沈約策以經史十事者

劉顯也而顯對其九梁湘東策以百事者張縮也而縮之對止
缺其六皆博於記誦者也子夏聞三豕渡河辨其爲巳亥之字
晉荀勗撰次汲冢古書以爲中經齊江淹能辨襄陽竹簡之古
書梁劉之遴能辨鄱陽王真本漢書之僞皆博於古文者也晉
昭子問少皞官名郊子告黃帝以來紀官之制後漢應邵著漢
官禮儀朝廷制度多邵所立無書不讀長於漢書舊典蜀之孟
光也問無不對能興創制度魏之王粲也羊祐等分定禮儀律
令皆先咨而後施用晉之鄭冲也世語江左舊事而爲王氏青
箱之學晉之王彪也晉宋以來故事撰次諸憶自謂江左風流
宰相有齊之王儉焉深識魏晉以來故事沈約謂諸博雖胡廣
無以加有齊之范岫焉歷任三代該悉舊章有梁之沈約焉朝

儀國典皆預圖議有梁之徐勉焉晉宋起居注亦能記誦梁武
帝每訪以前事隨機斷決任昉有暗誦之號又有孔休源焉元
魏之鄧彥海明解制度唐之蘇瓌多悉臺省舊障既時燔燬不
故者也元魏崔浩推熒惑之失而之聞齊漢賈逵漢攝中陰曆兵
之義而知蠕蠕之必克高允論漢元年十月五星聚東井而謂
金木二星無因背日而行果如允論此非博於天之真長侯
勝舉洪範傳厥罰常陰之證而霍光張安世益重經術之士漢
立賀筮菴頭劔墮之異而宣帝以其應加近幸之禮京房分六
十四卦更直日用事以風雨寒溫爲候而各有占驗此非博於
陰陽卜筮者歟晉裴秀爲禹貢地域圖因地以校險夷之異潘
京辨武陵郡名而知其改於光武之時齊崔慰祖答謝朓地理

十餘事之問而酌據精悉梁裴子野能知白題滑國之所自也
唐李伯藥能知琅邪刈稻之所本以至唐許敬宗古長城之對
昆明池之對帝丘濟水之對條陳不差賈耽於天下地土山川
必究知之故有隴西山南之圖洮湟甘涼之錄而海內華夷古
今郡國亦莫不有圖宋劉敞使於虜中亦能以松亭徑易之路
質其譯者使之相顧駭愧此非博於地理歟東方朔識建章駟
牙而知遠方之來歸終軍識豹文其入秦之而為漢武之所賞晉竇
攸亦識鼯鼠而據爾雅以答世祖其入秦之問復漢賈逵識神雀以為
降胡之證魏王粲識舊佩復為玉珮之法晉杜預周廟歌器不
存能意造之當時有武庫之號若張華之在晉則尤博焉武帝
問漢宮制度及建章千門萬戶則應對如流而辨龍肉之異知

化雉之驗臨平城石鼓槌之無聲者取於蜀桐之扣豐城寶劍
若龍泉太阿者得於紫氣之祥則又非華莫能識之若指南之
轉於桐機歌器之合於魯廟者齊之祖冲也觀白鳥之獻而知
其敬宗廟之應者齊之范雲也論宗廟之犧尊而以齊尊之牛
形為古之遺制者梁之劉杳也識人日之名而用董勛答問以
明其說者則若元魏之魏收答太宗雉集之問而能知秦文公
漢光武之祥則若唐之褚遂良辨北虜之駿而誦山海經管子
之書以曉之則若宋朝之劉敞不特此也齊陸澄能辨古器為
服匿之名而知為單于與蘇武之器唐元澹之能別辨銅器為
晉阮咸之作此皆所謂博物者也見按樂之圖而辨其雷震之
三疊則唐王維實能之見岑陽古鐘而識其姑洗之角則唐楊

收實能之茲非博於音樂乎該綜百氏以避其諱則徐勉以知名於梁允明姓系自魏晉以降推其本來皆有條序則路敬淳以知名於唐通姓氏學世號肉譜虞世南嘆其可畏而羨之為人物志則又李守素之所以顯於唐者茲非博於譜諳者乎梁顧野王遍觀經史而天文地理著龜占候虫篆奇字無所不通後周沈重為世儒宗而陰陽圖緯無不通涉隋劉焯以儒學知名賈馬王鄭所傳章句多所是非而九章等術周髀七曜莫不窮其秘妙劉光伯於周禮十三家之義並堪講授史子文集咸誦於心凡此皆於經傳百家流為兼通者也

丘言師曠識駁識諫可識首陽之神御身其二諫其一諫東方朔識騶牙識巫雀識藻廉其一諫其二諫

陸澄與王儉等徵事候商畧畢談所遺漏百千條皆儉所未觀何憲在王儉宅徵事以最優得五色篋白羽扇王攜後至悉奪之沈約與梁武徵栗事少其二沈約策劉顯十事顯對其九劉顯策約五事約對其二梁武帝策錦被已盡劉孝標最後出十餘條南唐鉉錯策猶楚金多五十事元陳呂數驢剛中少三十條

筆叢鄭公孫僑知實沈臺駘知黃熊魯展禽知爰居漢傳毅知西域金人胡僧知昆池劫灰蔡邕知焦尾琴柯亭竹魏嵇康知石髓晉荀勗知勞薪摯虞束皙並知曲水張華知蛇化雉知洛鐘鳴知武庫火郭璞知驢鼠大如水牛灰色宋陸澄知崇禮門鼓齊徐之才知瘡骨柄作刀梁武帝知海濱巨龜趙昭儀所化劉杳知張仲師

知騫毗王杰公知蛇鶴二珠知火浣布知高安國鹽知天竺國
 鏡知入風谷酒知扶桑繭絲後魏趙逸知晉時寺址知宋世浮
 圖隋崔頤知藍田玉人唐郝處俊知無脂羊張柬之知影蛾池
 唐玄宗知龍皮扇王維知霓裳第三拍葉法善知蝙蝠精青城
 王老知太元仙衣鄭欽悅知中山石銘賈耽知虱癥知火尼知
 藏粟江陵書生知息壤建中時道者知脉望又春秋陳章知胡
 充折齒齊桓公得折齒方圓三尺知鳴鵠嗉中人齊桓公得鳴鵠殺之嗉中
有人長三寸三分陳章曰各李子教見博物志公孫僑知浮游晏嬰知盤庚知伊尹內
 史過知莘縣神觀射父知重黎郊子知烏官蔡墨知秦龍氏介
 葛盧知牛鳴師曠知絳縣老人年又知太子晉年漢東方朔知
 東都短人張敞知宣帝時美陽偽鼎魏管輅知宋無忌妖知易

中九事吳諸葛恪知桑熟老龜六朝雷煥知枯木照妖知靈
 劍氣劉沓知嵇字偏旁知姓譜血脉劉顛知獅子何色樂藹知
 積油為灰王僧孺知古人以石為針潘京知武陵郡名范雲知
 白鳥所由至裴子野知滑國續咸知有新氏衡石崔贖知羊腸
 坂魏收知人日徐之才知蛤精杰公知六女國唐許敬宗知濟
 水褚遂良知雄雉見秦周焦君知古岳瀆經元行冲知樂器名
 阮咸楊收知姑洗角張一行知帝車七曜文劉禹錫知巨顛老
 拳詩張率更知玉磬房叔道知湖目陳倉童子知弗迷段成式
 知菩薩光以曾青和壁魚設色則近日有光五代陳陶知狼星直日陳崇實知
 鼉江南士人知天雞有二宋王介甫知玉樓銀海蘇子瞻知錦
 瑟詩黃魯直知喚起催歸劉貢父知黃耳劉克知人日陰詩又

知烏鬼王貽孫知男女皆跪禮李公麟知玉璽文沈存中知棊局數胡旦知束帛黃常明知孟勞丁公言知唐酒價

又仲尼知玉羊見高氏緯畧引詩外傳云魯哀公穿井得一玉羊焉孔子見之曰水之精為玉土之精為羊

此羊得之井中在水土之際其身玉其肝元萬頃知離合詩朱

土也公使殺視之果然此又與羴羊事異子奢知燒尾事張果知漢武時鹿張氲知海蝦蟇齒伊祈玄解

知龍虎玉尹拙知白馬祠舊典劉恕知五代別將行履王介甫

客知虹玉圍腰語見高氏緯畧虹玉圍腰唐人常袞語也王介甫作謝玉帶表而偶缺一故實作對一門下

客曰何不用虹玉圍腰尤延之知河鮪原起王仲行知天吳字

音葉寘知玉押湯思退知生人婦出處又六朝王筠知霓字音

五代張策知偽鼎徐鉉知象膽宋竇儀知乾德四年錢沈括知

天祿元耶律楚材知角端

周冢王文八字叔孫通識周冢王文二字稽康識抱犢

山神書東哲識汲冢竹書江淹識玉鏡竹簡古文劉顯識古文

尚書斷篇又識魏人遺梁右器隱起文王僧虔識科斗書周官

闕文范雲識秦望銘東平李生識石壁遺記兗州魯生識古銅

盞篆文

道之博于經方且饒論述者漢河上公張道陵陰長生王方平

于吉宮崇劉政茅盈司馬季王淳于叔通晉葛玄鮑靚宋陸脩

靜齊陳顯明梁章處玄魏寇謙之后秦王嘉唐司馬承禎張果

張胤葉靜能羅公遠王遠知徐靈府成玄英文如海鍾離權胡

慧超呂崖馬湘蜀杜光庭宋陳搏張伯端薛道光白玉蟾林靈

素王中孚元馬珏譚處端劉處玄丘處機

釋之博于經典且富辯才者漢攝摩騰竺法蘭吳康僧會晉支道林道安慧遠法護法深世友宋惠通僧愍求那跋摩齊僧嵩梁寶志傅翕法暢四公惠皎僧祐惠敏寶唱法雲陳洪偃真觀秦鳩摩羅什曇無讖曇摩讖佛陀耶舍僧肇道融曇摩流支智猛僧伽提婆周靜靄衛元嵩隋智果彥琮唐玄奘法琳惠琳玄琬玄奘一行宗密道宣道世慧忠智詵窺基流志玄覺智昇澄觀神邕杜順海藏智顛法海義淨務靜慧旻五代義楚贊寧宋惟白道通宗果了元克勤契嵩延壽道成慧邃正受道顯宗永智圓道濟元明本真覺如意念常

管子齊桓公伐孤竹未至卑耳之谿見人長尺而人物具焉冠右袂衣走馬前疾公瞠然視曰事其不濟乎管仲對曰臣聞登山之神有俞兒者長尺而人物具焉霸王之君興而登山神見且走馬前疾道也袪衣示前有水也右袂衣示從右方涉也至卑耳之谿有贊水者曰從左方涉其深及冠從右方涉其深至膝若右涉其大濟桓公立拜管仲於馬前曰仲父之聖至若此寡人之抵罪也又矣對曰夷吾聞之聖人先知無形今已有形而後知之臣非聖也善承教也

桓公乘馬虎望見之而伏桓公問管仲曰今者寡人乘馬虎望見寡人而不敢行其故何也管仲對曰意者君乘駿馬而海桓迎日而馳乎

晏子春秋景公問占夢者曰寡人夢與二日鬪而不勝寡人死占夢者對曰公之所病陰也日者陽也一陰不勝二陽公病將

已居三日公病大愈公且賜占夢者占夢者曰此非臣之力晏子教臣也公召晏子且賜之晏子曰占夢以占之言對故有益也故臣言之則不信矣此占夢之力也

景公舉兵將伐宋過泰山夢二丈夫立而怒其怒甚盛公召占夢者今夕吾夢二丈夫立而怒吾猶識其狀識其聲占夢曰師過泰山而不用事故泰山之神怒也晏子見公告如占夢之言對曰占夢者不識是宋之先湯與伊尹也公疑以為泰山神晏子曰請言其狀湯質皙而長頰以髯允上豐下倨身揚聲丹黑而短蓬而髯豐上允下僂身下聳

齊景公為大鍾將懸之仲尼伯常騫晏子三人俱來朝皆曰鐘將毀撞之果毀公召三子問之晏子曰鐘大非禮是以將毀仲

尼曰鐘大懸下其氣不得上薄是以曰將毀伯常騫曰今日庚申雷日也陰莫勝於雷是以曰將毀

左傳晉侯有疾鄭伯使公孫僑如晉聘且問疾叔向問焉曰寡君之疾病卜人曰實沈臺駘為祟史莫之知敢問此何神也子產曰昔高辛氏有二子伯曰閼伯季曰實沈居于曠林不相能也日尋干戈以相征討后帝不減遷閼伯於商丘主辰商人是因故辰為商星遷實沈于大夏主參唐人是因以服事夏商其季世曰唐叔虞當武王邑姜方震大叔夢帝謂已余命而子曰虞將與之唐屬諸參而蕃育其子孫及生有文在其手曰虞遂以命之及成王滅唐而封大叔焉故參為晉星由是觀之則實沈參神也昔金天氏有裔子曰昧為玄冥師生允格臺駘臺駘

能業其官宣汾洮障大澤以處大原帝用嘉之封諸汾川沈
蓐黃實守其祀今晉主汾而滅之矣由是觀之則臺駘汾神也
抑此二者不及君身若君身則亦出入飲食哀樂之事也山川
星辰之神又何爲焉

說苑晉平公出朝有鳥環之不去平公顧謂師曠曰吾聞之也
伯王之主鳳下之朝有鳥是其鳳鳥乎師曠曰東方有鳥名諫
珂其爲鳥也文身而朱足憎鳥而愛狐今者吾君必衣狐裘以
出朝乎

家語卜商反衛見讀史志者云晉師伐秦三豕渡河子夏曰非
也已亥耳讀史志者問諸晉史果曰已亥於是衛以子夏爲聖
也孔子吳王伐石以治宮室於合石之中得紫文金簡之書不

能讀之使使者持以問仲尼而欺仲尼曰吳王閑居有赤雀齧
書以置殿上不知其義故遠諮呈仲尼視之曰此乃靈寶之方
長生之法禹之所服隱在水邦年齊天地朝于紫庭者也禹將
仙化封之石函之中乃今赤雀銜之殆天授也

東方朔別傳漢武帝時未央宮前殿鐘無故自鳴三日三夜不
止詔問太史待詔王朔朔言恐有兵氣更問東方朔朔曰臣聞
銅者山之子山者銅之母以陰陽氣類言之子母相感山恐有
崩弛者故鐘先鳴易曰鳴鶴在陰其子和之精之至也其應在
後五日內居三日南郡太守上書言山崩延袤二十餘里

漢武帝祠甘泉時有神雀下群臣皆上壽東方朔獨不賀曰此
所謂巫雀非神雀也或有巫者爲國作害卒有巫蠱之事果應

武帝穿昆明池底得黑灰無復土問東方朔朔云不知可問西域胡人明帝時竺法蘭入來洛陽時有憶方朔言者乃追以問之蘭云天地大劫將盡則劫燒此燒劫之餘灰也乃知朔言有徵信者甚衆武帝與近臣宴會未央殿忽聞人語良久梁上見一老翁長八九寸緣柱而下放杖稽首嘿而不言仰頭視屋俯指帝脚忽然不見帝駭愕召方朔以告朔曰其名為藻廉水木之精夏巢幽林冬潛深河陛下項日興造宮室軒代共居故來訴仰頭看屋視殿室名未央訴陛下方侵其居室未央也俯指陛下脚者足也願陛下官室足於此不復更造也帝感之息後獻帝一紫螺殼中有物狀如牛脂又取洞穴之珠徑數寸帝問朔紫螺中何物朔曰是蛟龍髓以傳面令人好顏色又女子在孕產之必易會後宮產難者試之殊有神驗帝以脂塗面便白澤又口何以此珠名洞穴珠朔曰河底有一穴深數百丈中有赤蚌蚌生珠故以名焉

建章宮後閣重櫺中有物出焉其狀似麋以聞武帝往臨視之問左右羣臣習事通經術者莫能知詔東方朔視朔曰所謂騶

牙者也遠方當來歸義而騶牙先見其齒前後若一齊等無牙

故謂之騶牙其後數歲匈奴混邪王果將十萬衆來降

梭神記武帝東游出函谷關有物當道其長數丈其狀象牛青

眼躍睛四足入土動而不徙百官驚懼東方朔乃取酒灌之灌

之數十斛始消帝問其故答曰此名為患憂氣之所生此必秦

家之獄地不然則是罪人徒作之所聚也夫酒能忘憂故消之

漢遺史武帝元狩中有日者奏太乙星不見帝召東方朔問之

朔奏曰是星不見則遊於世為居民福壽帝曰何以驗之朔曰

陛下使人於異方江海之濱設禮祭而迎之是月果有會稽太

守奏海中有入丫角面如玉色美髭鬚而腰蔽檝葉乘一葉紅

蓮約長丈餘偃卧其中手持一黃書自東海浮來臣等焚香迎

拜俯及百步俄而雲霧所遮後霧散不知所之遺其黃書飄至亭側進於帝帝令翔驗之曰此上界火珠經也或曰連珠

漢紀中監蘇武使還問群臣不知如淳曰移園之中有馬廐說文移棠

椽也九花先開後合此花先合後開若董仲舒睹重常之鳥劉子政曉貳負之尸難哉

諸葛恪為丹陽太守出獵兩山之間有物如小兒伸手欲引人

恪令伸之曰去故地即死既而叅佐問其故以為神明恪曰此

事在白澤圖內曰兩山之間其精如小兒見人則伸手欲引人

名曰侯囊引去故地則死諸人未之見也

孫權時陸敬叔為建安郡太守使人伐大樟樹不數斧忽有血

出至樹斷有物人頭狗身從樹中出敬叔曰此名彭侯可烹食

之白澤圖曰木之精名彭侯狀如黑狗無尾可烹食之

等虞三輔决錄竇攸舉孝廉郎光武大會靈臺得鼠如豹文以

問群臣莫有知者攸對曰鼯鼠也見爾雅

劉昌言言盧藏用弟若虛多才博學覽表台

諫為賊方有獲異鼠者猶首虎文大如拳怡諫謂之鼯鼠而賦

之若虛曰非也此許慎所謂鼯鼠文而形小一座驚服昌在虞

衡時蜀中貢諸獸皮有石虎者似猫而小似鼠而大形全類虎

其色黃白班黑正類貓文豈所謂鼯鼠而俗謂之石虎耶

王獻失鏡鏡在罌中罌中纜數寸而鏡尺餘以問郭璞曰此乃

邪魅所為使燒車轄以擬鏡鏡即出焉

晉書惠帝中人有得毛長三丈以示張華華慘然曰此謂海鳥

毛也出則天下大亂

秦書苻朗字元達苻登從兄神氣爽悟聖

者未之信密遣問之實用故車脚

晉書董養字仲道到洛下水

甲中地陷中有二鷲蒼者飛去白者不能飛問之博識者不能知養開嘆曰昔周時所盟會狄此地也卒有二鷲蒼者胡象當入洛白者不能飛此國諱也

拾遺記秦破驪山之墳行野者見金鳧南向而飛至淫泉後寶

鼎元年張善為日南太守郡民有得金鳧以獻善該博多通考其年月即始皇墓之金鳧也

魏明帝拾寶庫中得一玉虎枕眼有傷血痕尚温帝該博古文

云漢誅梁冀得一玉虎頭枕云單池國所獻檢其額下有篆書云帝辛之枕嘗與妲已同枕

殷芸小說中朝時有人畜銅澡盤晨夕恒鳴如人扣以白張華

華曰此盤與洛鐘宮商相諧宮中朝暮撞故聲相應可鑿令歷則韻乖鳴自止也依言即不復鳴

高僧傳苻堅時藍田得一大鼎容三十七斛邊有篆銘人莫能

識乃以示道安安云此古篆書云魯哀公所鑄乃寫為隸文又有人持一銅斛於市賣之其形正圓下向為斗橫梁昂者為升

佞者為合梁一頭為簷簷同黃鐘容半合邊有篆銘堅以問安

安云此王莽自言出自舜皇龍戊辰改正即真以同律量布之四方欲小大器鈞令天下取平焉其多聞廣識如此

王僧孺多識古事侍郎金元起欲注素問訪以砭石僧孺曰古人當以石為針必不用鐵說文有此砭字許慎云以石刺病也

東山之經高氏之山多針石郭璞云為砭石春秋美亦不如惡

石服子慎云石砭石也季世無復佳石故以鐵代之耳

沈約問劉杳云何承天纂文載張仲師及長頸王事何所出杳曰仲師長二寸出論衡長頸王是毗騫王朱建安扶南記云古來至今不死約檢二書一如杳言

周捨問劉杳尚書官着紫荷橐相傳云挈囊竟何所出答曰張安世傳曰持橐簪筆以待顧問范岫撰字書音訓又訪杳焉其博識強記皆此類也

天監五年丹陽山南得瓦物高九尺銳下平蓋如合馬中得劍一窺具數十餘人莫識沈約云此東夷罽蓋也罽則用之代棺此制度卑小則隨當時矣東夷死則坐葬之武帝服其博識

陸又於五經最精館中謂之石經人為之語曰五經無對有陸

元魏劉芳與王肅論古者男女皆有笄人號為劉石經昔漢世造三字石經於太學學者文字不正多往質焉芳音義明

故流石經

陸廣微吳地記顧野王字休倫仕陳武帝為門下侍郎博綜群書廣搜經籍撰梁瑞應圖七十卷御覽三百六十卷官人各念一卷常隨駕行內人謂之着脚御覽

家訓穀梁傳稱公子友與莒棼相搏左右呼曰孟勞孟勞者魯之寶刀名亦見廣雅近在齊時有姜仲岳謂公子左右姓孟名勞多力之人為國所寶與吾苦諍時清河郡守邢時嘗世碩儒助吾證之赧然而伏

吾嘗從齊王幸并州自井陘關入上艾縣東數十里有獵間村後百官受馬糧在晉陽東百餘里亢仇城側並不識二所本是何地博求古今皆未能曉及檢字林韻集乃知獵間是舊獵餘聚亢仇舊是幔飢亭悉屬上艾時太

原王邵欲撰鄉邑記註因此二名聞之大喜吾初讀莊子蛄二
 首韓非子曰虫有蛄者一身兩口爭食相齧遂相殺了無解者
 案爾雅諸書蝻蝻各蛄又非二首兩口貪害之物後見古今字
 註此亦古之虺字積年凝滯豁然霧解嘗遊趙州見栢人城北
 有一小水土人亦不知名後讀城西門徐整碑云洎流東指衆
 皆不識吾案說文此字古蛄字也洎洎水貌此水漢來本無名
 矣直以淺貌目之或當即以洎為名乎世中書翰多稱匆匆相
 承如此不知所由或有妄言此忽忽之殘缺耳案說文匆者州
 里所建之旗也象其柄及三游之形所以趣民事故忽遽者稱
 為匆匆後漢楊由傳云風吹制巾此是制札讀之拂耳古者書
 誤則制去之故左傳云制而投之是也或即謂此為制
 或問山海經夏禹及益所記而有長沙零陵桂陽諸暨如此郡

縣不少以為何也答曰史之闕文為日久矣加復秦人滅學董

卓焚書典籍錯亂非止於此譬猶本草神農所述而有豫章朱

崖趙國常山奉高真定臨淄馮翊等郡縣名山出諸藥物爾雅

周公所作而云張仲孝友仲尼脩春秋而經書孔丘卒世本左

丘明所書而有燕王喜漢高祖汲冢瑣言乃載秦望碑蒼頡篇

李斯所造而云漢兼天下海內列仙傳劉向所造而贊云七十

四人出佛經列女傳亦向所造其子歆又作頌終于趙悼后而

傳有更始韓夫人明德馬后及梁夫人嬖皆由後人所羈非本

文有人訪吾曰魏蔣濟上書云弊劫之民何字也余應之曰意
 為劫即是餓卷之餓耳張揖呂忱並云支傍作刀劍之刀亦

是制字不知蔣氏自造支傍作筋力之力或作制字終當音九

為支晉中興書太山羊曼飲酒誕節兖州號豔伯梁孝元帝謂

不識唯張簡憲見教呼為嚳羨之嚳簡憲是刺史張豈謚當時
 俗間有豔豔語蓋無所不施無所不容之意顧野王玉篇誤為

黑傍無
意義

或問曰何故名治獄叅軍為長流乎答曰帝王世紀云帝少昊崩其神降長流之山於祀主秋按周禮秋官司寇主刑罰長流之職漢魏捕賊掾耳晉宋以來始為叅軍上屬司寇故取秋帝所居為嘉名焉太公曰記寧為鷄口無為牛後此是刪戰國策耳按延篤戰國策音義曰尸鷄中之主從牛子然則口當為尸後當為從俗誤寫耳

梁書梁太祖幸河北至內黃顧問李珽曰何謂內黃珽曰河南有外黃下黃故此名內黃太祖曰外黃下黃何在曰秦有都尉理外黃其故壙在今雍丘下黃為高齊所廢今陳留太祖平生不愛儒者聞珽語大喜按後漢郡國志陳留有小黃注舊儀曰高祖母起兵時死縣北為陵廟于小黃小黃豈即下黃耶

隋隱逸傳崔曠從駕登太行山詔問曠曰何處有羊腸坂曠對曰臣按漢書地理志上黨壺關縣有羊腸坂帝曰不是答曰臣按皇甫士安撰地書云太原北九十里羊腸坂帝曰是也因謂牛弘祖濬所謂問一知二

朝野僉載太宗問光祿寺卿常其須無脂肥羊肉充藥常不知所從得乃就侍中郝處俊宅問之俊曰上好生必不為此事乃進狀自奏其無脂肥羊肉須五十口肥羊一一對前殺之其羊怖懼破脂並入肉中取最後一羊則極肥而無脂也上不忍為乃止當時服處俊之博識

孟詵平昌人也父耀明經擢第拜學官詵少敏悟博學鳳閣侍郎劉禕之卧疾詵候問之留飭以金碗貯酪詵視之驚曰此藥

金非石中所出者禱之曰主上見賜當非假金說曰金藥仙方所資不為假也禱之曰何以知之說曰藥金燒之其上有五色

氣遞燒之果然禱之以聞則天以其近臣不當傍稽異術左授

台州司馬則天時裴炎與徐敬業駱賓王合謀揚州兵起炎從

內應書與敬業合謀惟有青鸞字人有告者朝臣莫

之能解則天曰此青者十二月鵝字

者我自與也遂誅炎敬業等尋

天寶中商洛隱者任昇之自言五世祖仕梁為大常大同四年

於鍾山下獲古銘有小篆文云龜言土著言水旬服黃鍾啓靈

趾瘞在三上庚墮遇七中巳六千三百浹辰交二九重三四百

圮錄示史官姚訾并諸學官等無能知者因緘其銘戒諸子曰

我代代子孫以此銘訪於通人倘有知者吾無所恨昇之雅聞

鄭欽悅之名書問之復書曰當梁武大同四年歲次戊午言旬

服者五百也黃鍾者十一也五百一十一年而圮從大同四年

上求五百一十一年得漢光武帝建武四年戊子歲也三上庚

三月上旬之庚也其年三月辛巳朔十日得庚寅是三月初葬

於鍾山也七中巳乃七月戊午朔十日得巳巳是初圮瞻之日

是日巳巳可知矣浹辰十二也從建武四年三月至大同四年

七月總六千三百一十二月每月一交故云六千二百浹辰交

也二九為十八重三為六未言四百則六為千十八為萬可知

從建武四年三月十日庚寅初葬至大同四年七月十二日巳

巳初圮計一十八萬六千四百日故云二九重三四百圮也其

所言但說年月日數耳據年則五百一十一會於旬服黃鍾言

月則六千三百一十二會於六千三百浹辰交論日則一十八

萬六千四百會於二九重三四百地從三上庚至於七中巳據曆計之無所差也所言年歲月日但差一數則不相照會矣

酉陽李師古治山亭掘得一物類鐵斧時李章武遊東平師古示之武驚曰此禁物也可飲血三斗驗之而信

梁大彭郡郡王劉知俊鎮同州

日因築營墻掘得一物重八十餘斤狀若油囊召賓將校問之或曰地囊或曰飛廉或曰金神七煞獨留源云此是冤氣所結

也古來因固之地或有馬昔王世充據洛陽脩河南府獄亦獲此物而遠祖記乃冤死囚人精爽入地聚為此物經百萬年凝結不散源聞酒能忘憂請奠以醪醪或可消釋耳然此物之出亦非吉徵也

盧氏雜說賈耽好地理學四方之使及使番虜來者皆與之坐問其土地山川之所終始三十年所聞既備因撰海內華夷圖以問其郡人皆得其實事無虛詞

江南野史嗣主如南都既數日詰旦殿庭忽見殘獐一脚視之乃獸食之餘詢宿衛莫知所以使往詢陳陶陶曰昨暮乃狼星

五日故爾嗣主嘆曰真鴻儒矣

困學紀聞杜出瞿塘峽詩五雲高太甲六月曠搏注不辨五雲之義嘗觀王勃益州夫子廟碑云帝車南指道七曜於中階華

蓋西臨藏五雲於太甲酉陽雜俎謂燕公碑自帝車至太甲四句悉不解訪之一公一公言北斗建午七曜在南方有是之祥

無位聖人當出華蓋以下 卒不可悉愚謂老杜讀書破萬卷自有所據或入蜀見此碑而用其語也晉天文志華蓋杠旁六

星曰六甲分陰陽而配節候太甲恐是六甲一星之名

天聖中劉子儀

賀五王出閭啓云芝函曉列星飛降天上之書棟夢晨趨嶽立受日中之字皆隱用五字

類聚劉原父放在詞掖有立馬揮九制之才歐陽文忠公嘗折

卷之

九

簡問入閣起於何年閣是何殿開延英起於何年五月一起居
遂廢正衙不坐起何年三者孤陋所不詳乞示本末公方與
對食曰明當爲答已而復追回令立俟報就坐中疏入閣事詳
盡無遺歐公大驚曰原父博學不可及也五代史載入閣一段
事卽答簡所云公嘗私謂所親曰好箇歐九極有文章但可惜
不甚讀書耳東坡後聞此言曰軾輩將如之何

楊彥齡筆錄熙寧初吳仲庶知成都一日文明廳前大槐枝葉
皆出烟色青白如焚香至暮方止木如故歷訪儒士莫知其說
惟楊損之云陰符經謂火生於木禍發必克疑有將士作亂而不
成者月餘果有戍卒謀亂者皆獲

成都子城西金容坊有石二株挺然聳峭高丈餘者舊傳云其
名有六曰石笋曰蜀妃墳曰沉犀石曰魚鳧仙壇曰西海之鰲
曰五丁石門皆非也圖經云乃前秦寺之遺址諸葛亮掘之方
驗有篆字曰蚕叢氏立國誓蜀之民以二石柱橫埋連接鑿鐵
其中一南一北無偏邪又五字濁歇燭觸蠲時人莫曉後蜀范
賢議曰亥子歲濁字可記主水災寅卯歲歇字可記主饑饉已
午歲燭字可記主火災辰戌歲觸字可記主兵災申酉歲蠲字
可記主稼穡富贍悉以年數推應驗符響

癸辛雜志有所謂聖鐵者凡人佩之刀兵皆不能入嘗以羊試
之良驗又謂此鐵佩之刀兵所至則鐵隨應之不可入又此鐵
大者僅如豆破肉入之身中或遇刀兵則以鐵隨以應之更不
可入未知孰是

徐鉉仕江南日嘗至飛虹橋不進以問杭僧替寧寧曰下必有海馬骨水火俱不能毀惟湏以腐糟隨毀鉉斲之得巨獸骨試之果然燕泉何先生曰物未有一成而不毀者鐵碁銀千

年不毀椎以阜角則一夕破碎鞭筆馬愈久潤以擊犬隨即折裂人其可不究物理哉圖經本草云蜀中有獾土人山居鼎釜

多為所食其齒骨極堅刀釜遇之皆碎落火亦不能燒人得之詐作佛牙佛骨以誑俚俗未聞有何物可制之也然則韓李之

見果非奕與鳳之比矣

宛委餘編周書王會所載國名物產亦多奇詭不經青馬里獸

謂之母兕稷慎貢大塵似穢人前兒良夷在子若獬廌立行

謂其腹炙鳴揚州禺禺魚名解喻冠發人鹿如鹿迅走俞人雖馬音立

九尾狐周頭輝炫羊也黑齒白鹿白民乘黃似騏有兩角東越海蛤

人蟬蛇姑於越納口姊妹珍且甌文蚕若人玄貝海陽大蟹自

深挂會稽韃義渠茲白若白馬夫林首耳身若虎豹北戎以

閭閻以喻寇渠叟以勦太露犬能飛樓煩星施瑤十盧以牛牛

小區陽以籠封若彘前規矩以麟西申以鳳鳥丘羌鸞鳥巴人

比翼鳥方楊皇鳥蜀人文翰若臯康民以桴苾實如李食都郭

生生若黃狗人奇翰善芳頭若雄雞佩蠻揚翟鳥倉吾翡翠又

伊尹為湯定物貢正東符婁仇州伊盧漚深九夷十蠻越漚浦

文身貢魚支之鞞烏鯁之醬鮫斂利劍正南甌鄧桂國損子產

歷龍角神龜正北空同大夏莎車姑他旦畧胡戎翟凶奴樓
 煩月然纖梨其龍東胡貢索馳白玉野駒駘駛良耳陶穀詩
尖簷帽
子卑凡厥短靴靴兒未屨兵亦當時語也余天童景祐間已聞
 此語時陶公卒未久人莫曉其義王元叔最為多識亦不知其
 為何語貢父詩話歐陽公記陶穀詩未屨兵不曉其意余謂今
 人呼秃尾犬為屨尾衣之短者亦呼為屨然則此兵正謂其未
 賤耳不然不可以對卑
 凡斯斯五代時作入音

代醉編按白題胡名見頴陰侯傳註嘗讀杜詩馬驕朱汗落胡
 舞白題斜以白題對朱汗且曰斜似別有意偶讀墨莊漫錄謂
 地後騎告云落下白題其胡下馬拾之始悟白題乃胡人鹿
 也

韓定辭為鎮州王鎔書記聘燕帥劉仁恭舍於賓館命幕客馬

或迎接馬有詩贈韓云遂林芳草綿綿思盡日相携陟屺屺別
 後巘菴山上望羨君時復見王喬韓於座酌之崇霞臺上神仙
 客學辨癡龍藝最多盛德好將銀筆述麗詞堪與雪兒歌座賓
 頗疑銀筆之僻他日或答聘亦命定辭接於公館或從容問雪
 兒銀筆之事韓曰昔湘東王好學著書筆有三品忠孝全者用
 金管德行清粹者用銀管文章贍麗者以班竹書之故湘東之
 譽振於江表雪兒叶音律歌之定辭復問或巘菴山當在何處或
 麗者即付雪兒叶音律歌之定辭復問或巘菴山當在何處或
 曰此隋郡之故事何謙光而下問 徐鑿碑堦務山王喬附仙

升菴云堦音權務即苑丘之苑也宣室志裴晉公擊吳命村人
深池濠有石銘井底一竿竹
 竹色深綠綠雞未肥酒未熟障車兒郎且須縮有一卒辨之曰
 首二句言吳少誠由行間一卒擁十萬兵為一方帥雞未肥者

無肉也以肥去肉為已字酒未熟者無水也以酒去水為酉字障車兒郎謂兵車之士推而言之則已酉日當尅也

劉原父博物多聞前世無及在長安日有得古鐵刃以獻製作極巧下為大環以躔龍為之而其首類鳥人莫能識原父曰此赫連勃勃所製鑄龍雀乃所謂大夏龍雀者也鳥首蓋雀云問乃為种世衡築青澗城掘地所得正夏故疆也

寡聞

晉諸范獻子聘於魯問具山教山魯人以鄉對獻子曰不為具

教乎曰先君獻武之諱也獻子歸曰吾名其二諱為矣矣唯不

學也王棟曰國初科場尚寬景德二年禮部言舉人除官韻外不得懷挾書策又試場所問本經義疏不忌記出處而已

如中出試卷問子謂子產君子之道四者何也答曰對其行已也義謹對試卷不謗錄而考官批于界行之上能記則曰通不

則曰不十問之中四通則合格矣其誤記者亦尺書曰不而全不能記答曰對未審謹對

乾臘子張由古寡學術對眾歎班固文章不入文選眾對以兩

都燕然銘由古曰此是班孟堅非固也陳紀北齊源師攝制部嘗白高阿那肱龍見當

粵那肱驚曰何處龍見其色何如師曰龍星初見禮當粵祭非真龍也阿那肱怒曰漢兒多事強知星宿遂不祭

五代史任圜曰天下皆知崔協不識文字而虛有表號没字碑

李林甫無學術時選人嚴迫判語有杖杜二字林甫不識謂吏部侍郎常陔曰此云杖杜何也陔俯首不敢言

玉壺清話党進不識一字朝延遣防秋於高陽朝辭日須欲致

詞閣門曰太尉邊臣不須如此進性強狠堅欲致詞進挹笏

向前跪移時不能道一字忽仰面瞻天表厲聲曰朕聞上古其

風朴畧願官家好將息仗衛掩口後左右問曰太尉何故念此

二句進曰我常見措大愛掉書袋我亦掉兩句要得官家知我

讀書華談要脣中河北大水仁宗憂形于色有走馬承受使臣到關上問河北水患何如對曰懷山襄陵又問百姓何如

曰如喪考妣上詔問門今後武臣上恩並須直說不得文飾

哲宗朝謝惇試賢良方正賜進士出身惇辭免云勅命未敢抵

授以抵為祗以受為授劉安世奏曰唐有伏獵侍郎今有抵授

賢良家訓泰山羊肅亦稱學問以潘賦周文弱技之素為

之世本容成造曆為確磨之磨王莽贊紫色蛙聲謂以偽亂真非言王莽形狀有一俊士乃云王莽非直鷗目虎吻亦紫色蛙聲

教方雜戲亦曰學詩於陸農師學易以政於龔古勇深之蓋議切

士之寡聞也王無咎黎宗孟皆為王氏學世謂黎為摸畫手一

點一畫不出前人王為轉般倉廩無贏餘但有所欠以其因人

成能無自得也宋史沈慶之子不知書目不識字但有口辨嘗謂蕭斌曰節下有一范增而不能用法曰沈公

乃更學問曰人不知下官耳學也

丹鉛錄後漢書崔烈以銀鑄鎖銀鑄大鎖也今多作金銀之銀

至有銀鎖三公脚刀撞僕射頭之句其傳訛習舛如此

談說製文援引古音必須眼學勿信耳受莊生云乘時鵲起故

謝眺詩曰鵲起登吳臺有作七夕詩云今夜吳臺鵲亦共往填

河羅浮山記云望平地樹如薺故戴嵩詩云長安樹如薺鄴中

有一人詠樹云遙望長安薺又嘗見謂矜誕為夸毗呼萬年為

富有春秋皆耳學之過也夫文字者墳籍根本世之學徒多不

曉字讀五經者是徐邈而非許慎習賦誦者信褚詮而忽呂忱

明史記者專皮鄒而廢篆籀學漢書者悅應蘇而畧倉雅不知

書音是其枝葉小學乃其宗系至見服虔張揖音義則貴之得

通俗廣雅而不屑之一手之中向背如此况異代各人乎

危言莊子云人而不學謂之視肉學而不行謂之撮囊四字奇

余讀山海經狄山有獸名視肉注聚肉形如牛肝食之無盡尋復更生言其徒有塊肉而無知也撮囊似亦一物未詳然莊子亦無此文恐出別書槐生五日而免目十日而鼠耳亦云莊子今亦不見李斯云禽鹿視肉人面而能強行

字學

考索史籀編者周時史官教學童書也與孔氏壁上古文異體蒼頡七章者秦丞相李斯所作也文字多取史籀篇而篆復頗異所謂秦傳者是時始造隸書矣起於官獄多事苟趨省易施之於徒隸也漢興閭里書師合蒼頡爰歷博學三篇斷六十字以為一章凡五十五章并為蒼頡篇武帝時司馬相如作凡將篇無復字元帝時黃門令史游作急就篇成帝時將作大匠

李長作元尚篇皆蒼頡中正字也凡將則頗有出矣成帝元和中召天下通小學者以為數各令記字於庭中楊雄取其有用者以作訓纂嗣續蒼頡中重之字凡八十九載備矣蒼頡多古字俗師失其讀宣帝時有齊人能正讀者張敞從受之傳至外孫之子杜林為作訓詁魏世又有八分書其字義訓讀有史籀篇三蒼李斯撰埤蒼魏張揖撰廣蒼樊恭撰等諸篇章訓詁說文漢許慎撰徐鍇作說文解字繫傳字林晉呂忱撰大乙音義聲韻李登撰又作說文解字韻譜字林山僧雲勝注勢魏衛恒撰等諸書自後漢佛法行於中國又得西域胡書能以十四貫一切音文省而義廣謂之婆羅門書筆談切韻之學本出於西域漢

人訓字止曰讀如其字未用反切然古語已有二聲合為一字者如不可為巨何不為盡如是為爾而已為耳之乎為諸之類似西域二合之音蓋切字之原也如轉字文從而犬亦切音也殆與聲俱生莫知從來今切韻之法先類其字各歸其母唇音

舌音各入牙音唯音各四齒音十半齒半舌音二凡三十六分
為五音天下之聲總于是矣每聲復有四等謂清次濁平也
如顛天田年邦膝靡靡之類是也昔得之自然非人為之如幫
字橫調之為五音幫當剛滅央是也繼調之為四等滂滂茫是
也就本音本等調之為四聲幫滂傍博是也四等之聲多有聲
無字者如封峯逢止有二字邕育止有兩字竦火欲以皆止有
一字五音亦然滂湯康蒼止有四字四聲則有無聲亦有無字
者如蕭字肴字全韻皆無入聲此皆聲之類也所謂切韻者上
字為切下字為韻切須歸本母韻須歸本母切歸本母謂之音
和如德紅為東之類德與東同一母也韻歸本母如冬與東字
母皆屬端字冬乃端字中第一等
聲故都宗切冬字第一等韻也 又後魏初定中原軍容號令

皆以夷語後染華俗多不能通故錄其俗言相傳教習謂之國
語隋陸法言取諸家音韻而定為切韻五卷儀同三司劉臻外
史顏之推武陽太守隋思道吏部侍郎薛道衡同撰長孫訥言
箋注關亮薛徇等增字至唐孫愐乃補遺闕具為訓詁名曰唐
韻蓋取周易周禮之義宋景德四年刊正大中祥符元年命

臣增損改為重脩廣韻

梁大同九年顧野王撰玉篇唐藝文志有呂靜韻集陽休之韻畧夏侯詠四聲

部陸慈李丹俱有切韻蕭鈞韻音類真吳域撰取古書自易書

而下以及本朝歐蕪凡五十種其聲韻與今不同者為韻補朱

侍講多用其說於詩傳楚詞注

契丹僧有行筠危龍手鏡宋釋夢英有英公字源夏竦有古文

四聲王宗道有切韻指玄莆田劉孟容有修校音畧洪适有稽
釋鄭樵有象類書薛尚功有鍾鼎篆韻宣城陳天麟有前漢古
字韻樂靜李昭玘跋太宗閣本帖法劉次莊為淳化法宋時婁
帖釋文黃伯思長睿有法帖刊誤程端蒙有小學字訓宋時婁
機彥發參政嘉禾人取說文及諸家字書按以蔡邕五經備體張參

五經文字田放九經字樣與夫經典釋文子史古字參以本朝

丁度所書集韻為廣平祿字書

機又有漢隸字源班馬字類曰廣者以唐顏元孫幕干祿字書

世說補王安石進字說表蓋聞物生而有情情發而為聲聲以

類合皆足相和人聲為言述以為字字雖人之所制本寔出乎

自然故上下内外初終前後中偏左右自然之位也橫彙曲直
耦重交折盈缺倒反自然之形也發歛呼翕抑揚合散虛實清
濁自然之聲也可視而知可聽而書自然之義也

爰歷六章車府令趙高所

作博學七章太史令胡毋敬所作

代醉編漢菟文志司馬遷從安國問奇字故遷書載堯典禹貢

洪範微子金縢多古文說洪景盧曰六經用字固間有奇古者

然惟周禮一書獨多前賢以此書出於劉歆歆嘗從楊子雲學

作奇字故用以入經如法為瀉柄為榜邪為衰美為媞拜為摻

恠為傀暴為馮擗為籍風為靦鮮為鱣稿為薨魚為馱吹為歛

陔為械暗為齮析為標探為揮駭為駮卓為棹掬為輦幕為幘

藻為藻叩為敏艱為難魅為魁與夫盾曠胖鰾眦副馳卓鸞筮

驅嬰驟棘之類皆它經鮮用若考工記所載則又不可勝錄也

益之為翳契之為尚臯之為咎君牙之為君雅此古聲之通用

也陶之為繇垂之為倬鯨之為鮫虺之為備紂之為受與古字

之通用也不特此也龍可作寵用毛詩既見君子為龍為光陳

可作陣用論語哀公問陳車亦可作陣用王羲之小學獨卓旁

作車之類景可作影用周禮土圭測景理可作里用左昭公行

理之命釋以為行里耐可作能用漢碑柔遠耐邇之類是可作

視用荀子是其庭可以搏鼠視可作示用漢書視其節儉氏可

作是用如至玄孫氏為莊王飛可作非用前見恭可作太用范畢

避家諱以泰作太如郭泰為郭太而可作如用漢書白頭而新

然白頭而新傾蓋而故二而字俱作如亦可作而用春秋星隕

本字訓更有意義用修嘗言之矣

如雨適可作巡用漢書平當遠適有耻秉可作柄用漢書周亞
夫持國秉牙可作衙用孔氏雜說牙者旗也太守出則有門旗
後遂以牙為衙宋世良牙門虛寂棊可作匪用書棊彙漢書注
與匪同諒亦可作良用毛詩易直子諒韓詩作易直慈良倣亦
可何用毛詩倣以溢我左氏作何以恤我何遐通轉而為假太
亦可作世用朱子言世字與太字古多互用如太子為世子太
室為世室之類嘆歎噴歎嘯歎歎歎歎歎歎歎歎歎歎歎歎歎歎
皆欠字與口字相通蓋欠張口氣悟也所以與口通然亦多不
通者至于嘔之為歌歐之為吐吻之為鳴歛之為愁喻之為譬
飲之為歌囁之為味歌之為怒各自為義吹之一字則兩用矣
古人制字未可執一視也

莊子且而屬之夫夫林南齋曰古本作大夫同馬注上夫字作大字

讀夫亦大也太山石始皇文曰御史夫夫夫與大同見文鑑

舉字祖龍以與皇字相肖以四下非代之闕字宋明帝忌與禍
字相類以馬旁作瓜代之或泯或昏皆從民字唐太宗欲避其
諱石經皆以氏字代之洞字經史不載而兗州圖經曰魯國洞
水舩字羣書所無而釋文首序曰吳興大舩泚字古今不錄而
申州雜記曰泚乃川名餽字徧旁不著而登真隱訣曰有餽飯
方

犂微犂遠山犂

犂字玉篇不載齒怯也音楚去聲今京師語謂怯皆曰犂不獨齒怯也曾茶山和曾宏父餽棋詩云莫向君家樊素口

漢西域傳安息國書章旁行為書記顏氏註今西方胡國及南
方林邑書皆橫行法苑珠林云造書凡有二人長名曰梵其書
右行次名曰佉盧其書左行少者蒼頡其書下行按蒼頡中國

之字祖也乃以為少此西方夸誕之辭深不足信

揚衍之伽藍記奈林南有石碑魏明帝立題曰苗茨之碑高祖

作苗茨堂永安中莊帝射於華林園百官讀碑疑苗字誤楊衍

之曰以藁之故言苗茨何誤之有

資暇錄新官併宿本署曰倭直今作豹字蓋豹性潔善服氣於

雨聖霜霧中伏而不出慮汚其身倭直雅是豹伏之義寓直二

字起於潘岳為武賁中郎將晉朝未有符校者故寄直散騎省

今百官各當本司而直故是當直安可為寓語林近代選曹補授先具舊官於前

次書擬官於後新舊相銜近代通謂府廷為公衙牙訛為衙詩曰圻父子王之爪牙故軍前大旗為牙旗武職有押衙亦牙義

墨客揮犀漢以宮殿多災術者言天上有魚尾星宜為其象冠

于室以攘之今自唐以來寺觀舊殿宇尚有飛魚形尾插上者

不知何時易名為吻狀亦不類魚尾漢義作鱗尾原是虫字元海獸水之精能却火災

孔氏雜說今公家文字用仰字北史時已有此語北齊孝昭皇

帝紀詔定三恪禮儀體式亦仰議之俗所謂累重亦有所出也

前漢西域傳屯田輸臺募民壯健有累重取徙者詣田所注累

謂妻子家屬也俗所謂阿誰三國時已有此語龐統傳向者之

論阿誰為是俗所謂日子亦有所出文選曹公檄吳將校部曲

又年月朔日子注發檄時也然則日子日時也工夫或作功字

魏志王肅傳太極已前功夫尚大也俗所謂停待晉書已有此

語愍懷太子傳陛下停待是也俗所謂曰許者爾許也聲之訛

也啓顏錄詠短人云城門爾許高故自匍匐入俗呼抽替南史

殷淑儀孝武帝之貴妃也有寵而斃常思見之遂為抽替棺欲

見輒引替觀屍前鮑宣傳註持時夜行夜行如今持更是已持
時如今報時是已漢官儀黃門持五夜甲夜乙夜丙夜丁夜戊
夜亦如今更也俗呼牝馬為課馬出唐六典凡牝四將而課羊
則當羊而課之課謂歲課駒犢霏雪錄長安御溝曰楊溝以植
羊抵觸垣墻也

魏了翁讀書雜抄園康後以其師於巴師之中衡橫陳如此亦
有橫陳字

禮緯嫡長稱伯庶長稱孟李微之云齊武孟魯孟氏衛孟摯
王藻編不立武子姓之冠也注不鮮孔疏曰姓生也孫是子
所生故謂孫為子姓
昭四年傳叔孫氏過庚宗婦人獻以雉問其姓對曰余子

注問有子否

洪範六極云六曰弱注厄劣也呂氏曰弱何以與六極之數
蓋弱者天下之大害學者之大患人之所以不能為善多是不
能立為善主於剛柔惡之原主於弱

襄三十年鄭子皮授子產政杜注曰伯有死子皮知政以子產
賢故遜之傳內知政字亦一襄二十六年公孫揮曰子產其將
知政乎桓公五年王奪鄭伯
政注曰不使知王政愚按後世官制上知字此已有之
周禮草人輕費用犬 鄭氏曰輕費輕脫者陸釋農字照反李

音婦堯反賈疏農聲相近

莊公十一年公以金僕姑射南宮長萬宋大公右欲孫生搏之

宋人請之宋公靳之曰始吾敬子今子魯囚也吾弗敬子矣病

之 杜注戲而相愧曰斬 按寇萊公言行錄有一青幘二

十餘年或以公孫弘事斬之 呂覽膠鬲見武王於鮪水曰西伯

日竭至曰將以中子至注竭何楚詞車既駕兮竭而歸舊注竭去

也不如從盡為長則襲用竭來者亦謂盡來也華子舜之將死

真冷禹曰形莫若緣情莫若率 注冷曉也謂以真道曉語禹也

官學事師 注官仕也正義曰熊氏云官謂學仕官之事學謂

習學六藝左傳宣二年趙盾見靈輅餓問之云官三年矣服慶

云官學也是學職事為官也

重主道也殷主綴重焉周主徹重焉注始死未作主以重主其

神也重既虞而埋之乃復作主春秋傳曰虞主用桑練主用栗

綴猶聯也殷人作主而聯其重縣諸廟也蓋顯考乃埋之則久

作主徹重埋之

女子子 曲禮 疏男子稱子女子則重言之案鄭注喪服云別於

男子 說類會而禮不備亦謂之遇嫁娶而禮不備亦謂之奔仲

若以淫奔例解之則 大失先王之意矣

襄二十三年齊莊公伐衛將遂伐晉先驅 云 申驅 云 貳廣

云 啓肱大殿注先驅前鋒軍中驅次前軍貳廣公副車左翼

曰啓右翼曰肱大殿後軍 畫慢錄宋太祖招軍格不專取長人

翹門負石之格取其開 持其末五舉為合格

司尊彝大喪存奠奠 又大行人歲徧存 襄二十五年衛獻

公曰魯子獨不在寡人注在存問之 古人以問為存在

左襄二十七年宋公兼享晉楚之大夫趙孟為客注客一坐所

尊故季孫飲大夫酒臧紇為客

成公十一年釐伯以其外弟為大夫嫁其外妹於施孝叔 按此謂同母異父

文十二年隨會能賤而有耻服虔云能處賤又且知耻言不可汙辱愚按東漢馬援謂梁松寶固曰凡人為貴當可使賤如卿等當不可復賤居高堅自持勉思鄙言

成十六年 是大泚曹也 哀十一年吳其泚矣並注泚滅也

意此字當泚以避唐諱改

襄十四年會于向 云 將執戎子駒支范宣子親數諸朝 注行

之所在亦設朝位 按此如孟子所謂朝廷 后漢劉寵傳山谷

是占吏民謂郡守亦曰朝廷 聽事古亦稱朝稱縣令為明府始於唐人漢人則謂之明府 稱鮑昱皆然

范武子召文子曰 云 使郕子逞其志庶有多乎 注多解也

襄十六年范宣子曰句在此敢使魯無鳩乎 因看左傳錄出

如齊有多魯無鳩亦好對

漢書區脫捕得雲中生口服虔曰土室胡兒所作以候漢者 後

山王傳吾國多官騎有人 稱焮前行注猶齊整也

宋景文筆錄謂俗以搗為骨朶者古無稽據國朝既名衛士執

搗扈從者為骨朶子班予按字書邁與搗同邁之變為骨朶其

來久矣 元和初酌酒用樽杓無何改用注子後 仇士良惡其名同鄭注乃更名曰偏提

文宗問宰臣金條脫是何物宰臣未對上曰真誥言安妃有金

條脫為臂飾即金釧也 南恩州有匠人善錫銷亦不曉其 事問之則曰京師所謂銀泥是也

宋子京別紙多云伏奉手畢南人謂畢為筆因效之蓋以為手

畢山谷子京乃謂手簡爾雅簡謂之畢學記曰呻其佔畢

公觀魚于棠登來之也注讀為得來齊人名求得為得來

魏收有通

峭難為之語人多不識義熙寧間文潞公以問蘇子容子容曰聞之宋元憲云事木經蓋梁上小柱名取其有折勢之義耳乃就用此事作詩為謝云自知伯起難通峭不及淳于善滑稽而魏齊問以人有儀可喜者則謂之庸峭集韻曰庸平也奔模反今造曲勢有曲折者謂之庸峭云云與前義亦近似今京師指人有風措者亦謂之波峭雖轉為波豈亦此義耶

墨莊漫錄晁說之以道作感事詩云干戈難作墻東客疾病猶

存硯比身用避世東王君公事而硯比身乃漢上題襟集段成

式云筆下詞文硯比諸生蓋言几案面南人坐硯之北也

說類

當上意本有題目五更不寐平生新舊一一上心蓋惟親舊可得其詳庶免風聞之誤紹興間某任言責欲論一人未得出處偶一鄉人來訪私謂得其人矣慙懣甚歡意汲引可必也越兩日彈章上故曰寧逢惡實莫逢故人又云故人相逢不吉則凶風聞二字出漢書尉佗曰風聞老夫父母墓已壞削賈逵國語注風聞采也采聽商旅之言魏任城王澄表以為法忌煩苛治

貴清約御史之體風聞是司

後山談叢王荆公為相喜說字詁遂成俗劉貢文戲之曰三鹿

為麤不及牛三牛為犇犇不及鹿謂宜三牛為麤三鹿為犇

苟難於遽改今各權發遣蓋於時解從繩墨不次用人往往自

小官暴據要地以資淺皆號權發遣云故併譏之

容齋隨筆今人作字省文以禮為礼以處為處以與為与凡章

奏及程文書冊之類不敢用然其實皆說文本字也許叔重釋

礼字云古文處云止也得几而止或從處與字云賜予也与與

同然則當以省文者為正

老學庵今人書某為么皆以為從俗間便其實古某字也穀梁桓二年蔡

侯鄭伯會於鄧范甯注曰鄧么地陸德明釋文不知其國故云么地

寧馨阿堵晉宋間人語助耳後人但見王衍指錢云舉阿堵

山濤見衍曰何物老嫗生寧馨兒今遂以阿堵為錢寧馨

兒殊不然也前輩詩語言無味少阿堵冰雪相看有此君又家

無阿堵物門有寧馨兒其意亦如此宋廢帝之母王太后疾篤

帝不往視后怒謂侍者取刀來剖我腹那得生寧馨兒觀此豈

得為佳劉真長譏殷洪源曰田舍兒強學人作爾馨語又謂桓

温曰使君如馨地至今吳人語言尚多用寧馨字為問猶言若

何也揮犀詩人多用方言謂睡美為黑甜飲酒為軟飽坡詩三

橫夢蝶床東坡以晨飲為王克仁居越所居嘗燬於火鄉人呼為王火燒同時

有黃瑰者亦越人嘗為評事忽遭臺評云積惡以遭天譴至於

獨焚其家鄉人有黃火燒之號蓋誤以王為黃耳即報既行而

評事之隣有李應麟者為維揚幕一見大驚亟告假而歸制使

李應山憐之饋以官楮二萬及歸則家無患乃知為誤耳蓋黃

無辜而受王之禍李無望而得二萬之獲殊可嘆

野客叢書華山廟碑以中宗為仲宗郭究碑以仲尼為仲泥人

謂廟號而假借他字不恭以夫子為仲泥則狎侮之罪大于子

雲之準易王楙曰漢人作字有省筆者有增筆者如爵作時鶴

作雀之類省筆也春作春秋作穉之類增筆也且莫尊于天地

書天地為无隊是蒼為浩倉此皆當時所尚自後世觀之則恠

也雲溪友議王僕射起再主禮闈武宗詔至殿陛曰朕近見二

字一為一宀莫能詳馬對曰臣於三教經典竊嘗偏觀向者

二字羣書未之見也周穆王傳有齊罔二字經百儒宗但言

古馬名上笑曰知卿夙儒學綜朝野偶為此二字相試耳字之可通影字古用景字葛洪撰字苑始加夕為影戲陣之陣

古用陳王右軍小學阜旁作車為陣隋國隋州古隨揚堅以其
 近遁走去走作隋疊王莽以三日大盛改作三田作疊古之對
 字辛下從口漢文帝以口多非實改從土罪字自下從辛始皇
 以字形似皇字遂改從网從非古劭字從刀劉宋太子名劭惡
 字文為召刀遂改刀為力

吏執韻書以進乃慰遣之
 蓋識俗字不識古字也

兵科給事中閣兵部題本以伎字不
 從女呼吏答之翌旦有不平者令答

尚書之尚本當作上音讀或曰秦時人臣避上字故作常音至
 今因之不改若二十八宿音秀則洪景盧以為當如本音且引
 說苑辨物篇曰天之五星運氣於五行所謂宿者日月五星之
 所宿也按宿之音秀比音誤之蓋元詞曲皆入秀字去上韻至
 宿州之宿則入徐字而以近徐州故別呼為南徐

學齋佔俾九經有筆墨字如史載筆工輪削墨之類而無硯字

惟見於西京雜記天子以玉為硯及異書引帝鴻氏之硯然字
 不見於經也且唐人只多以瓦為硯故昌黎毛穎傳止稱陶泓
 及國初而硯以譜行端歛二石擅天下矣九經中有燭字如夜
 行以燭燭不至跋之類而無燈字至漢行宮祠太山自昏至曉
 然燈故有七枝燈百枝燈之類然上林燈字却只從金旁是以
 五金鑄之也九經中無麪周禮所謂麴只如今之炒麥至王莽
 始有啖麪及鰻魚之文九經無茶字或言茶苦即是也見于爾
 雅謂之檟茗則是今之茶但經中只有茶字耳九經中無鼓字
 至宋玉九辨大苦鹹酸注大苦鼓也又史記貨殖傳鹽鼓千答
 前漢食貨志長安樊少翁賣鼓號鼓樊是也九經中無醋字止

有醢及和用酸而已至漢方有此字

于寶司徒儀祭用楚燧晉制呼為環餅又曰寒具今

子曰

董彥遠除正字謝啓殘經不悟於郭亡闕文徒存於夏有馬不

足一者既失其全虎多於六者自乖其數書殘武磴頌亂湯齊

烏寫混淆魚魯雜糅增河南之邑為雒減漢東之國為隋避上

則罪不從幸絕下則對應去口棗公而棘氏微足省而疎姓絕

鎖定銀鐙之名車改金根之目知一求二縫之為來指二首六

身之為亥郡章立信救時惟正於四羊國史傳疑考義共惑於

三豕傳會為九禾之秀離析為三刀之州合樂之奏妄加文武

之為斌定經之名誤合日月之為易字失部居改白水真人之

兆書忘形象作冰衣小兒之謠四十八安取於桑三十七未足

詔世梁父七十二家名雖俱在尉律四十九類書蓋已亡誤存

舟二間之為航安識門五日之為閏

元陰幼達序韻府群玉若龍斷本如字而或切為丁貫夏屋本

食俎而或用為巨室春牘雅松禁醴濫脾折凍梨之類皆載於

經而初學講明或未到至有讀鶴銜三鱣之鱣為擅蕭何主進

之進為贖桐馬則為桐馬款乃則謂襖藹襲舛承訛鮮克辨正

又如撲滿須捷樓裂孟青侯思止謂決囚大杖為孟青魏箕數

剛卯王莽傳刀長三寸廣一寸四分四方或用金玉刻作兩行

書曰正月剛卯又曰疾日嚴卯凡六十六字以正月卯日

作此卯佩之桑鶯桑鶯與鷄樹桑上鐵獺魚丁虎乙鼠姑鴉舅

後除不詳陸龜蒙挑菜詩行歌每依鷄舅影桃頻時見鼠姑心鼠姑是牡

丹鷄舅亦當是一草木名山谷誤為鶯云鷄舅頗強聒特借意名鴉一經三雅戍削萃蔡鈴訝龍茸沆瀣鼻鼻金僕姑玉連瑣

等字此前輩常所用而不知以為怪

于越志吳正道東隅人明六書許慎說文有不足者補之臨川

吳文正公澄問曰模楷二字假借乎曰取義也何以取木為義

曰昔模木生周公冢上其葉春青夏赤秋白冬黑以色得其正

也楷木生孔子冢其餘枝踈而不屈以質得其直也若正與直

可為法則况周孔之冢乎問曰出何書曰出淮南王草木譜代

日出一上為旦日入一下為百百古昏字一地也

說文引孔子之言甚多如狗叩也叩氣吠以守又曰視犬之字

如畫狗也又曰牛羊之字以形舉也又曰黍可為酒禾入於水

也又一貫三為王此類恐未必孔子之言班固所謂宗尼父以

重其言也聽雨記談能本獸名為本猴名乙本鸞名朋本鳳字

口其神龜為虎所役衣巾服履皆別置於地此儀之所為也禡字從衣從虎者以此

何休公羊註以手通指曰揖指意也與旨同謂揖以敬人以指

通意也又云以目通指曰瞶瞶與瞬通史云願指氣使亦是以

願通指也陸佃易爻觀我朵頤注云以願通指曰朵劉敞漢書

補註躡足附耳注以足通指曰躡本草序例上吹咀二字乃是粗末中吹去細末令均故字

從口謂此亦未當不若今細切之如吹咀吹者之調和也

餘冬錄吳主孫休創八字名其子靈商靈舜且寇熒武后命

宗秦客改十二字行之制以壘字為名取日月當空之義魏江

或言俗以追來為歸巧言為辨小兒為靨神蟲為蠶如斯甚衆

顏氏家訓云北朝喪亂之餘書迹鄙陋加以專輒造字乃以百

念為憂言反為變不用為罷更生為甦先人為老如此非一徧

滿經傳二公之言其致感于同文之盛乎宋人記其時有上俗
 書者養為矮養為齊閩為穩奎亦為穩什音嫻小兒也丞音勃
 人瘦弱也至音終人亡絕也否音臘人不能舉足也妖音大大
 女及姊也岳音勸山石之巖窘也閃音攔門橫闌也余音首言
 人在水上也夾音魁言沒入水下也呶和馘切言隱身忽作出
 驚人之聲也毳音胡言多髭也弁東敢切以石擊水之音也如
 此不一而足字義雖甚淺鄙而偏傍亦有依附今雲南夷俗謀
 訟彼欲誣諂人動曰毕灌賴之事毕字惟見雲南耳升庵水
 堧水衝岸杜曰坤俗作册非雅合十曰士以一貫三曰玉堧
 容曰燒和色曰婷兩樹交陰曰樾拓開衣領也今日祐音橋枕
 木階在梯

筆記後魏北齊時里俗作偽字最多如巧言為辨文子為學之

比隋有柳詈傳乃詈之訛以言易巧矣佛書辨字多作詈世人
 不復辨詰

唐書挽兩石弓不如識一丁字按續世說書此乃个字蓋丁與
 个相似誤傳寫也苻堅享群臣賦詩姜平子詩有丁字直不曲
 堅問其故平子曰臣丁至剛不可以曲且曲下不直之物未足
 獻遂擢上第唐張弘靖節度盧龍叅佐韋雍輩詬責將士曰天
 下無事爾輩挽兩石弓不如識一丁字嚼之後遂殺雍丁字一

也或以擢第或以殺身清波雜志章泰所用字有合回互處若

危亂傾覆之類蘇明允作進書歐公大

說文皋以个禮祝曰皋謠曰奏皋皋同東觀漢記馬援上書云
 成臯縣令印為白下羊丞印四下羊尉印白下人人下羊一縣

長吏印文不同恐天下不正者多符印所以為信也事下大司
空正郡國印章語林宋人有獲玉印文曰周惡夫印劉原文曰漢條侯印尚存於今耶或疑之曰古亞惡二字通用史記盧縮孫他人封亞谷侯而漢書作惡谷是也

郎瑛修類稿攬音踏取桔槔取水之義上以手攬而入下以脚

踏而出謂之轉轉不散亂也借人之難理會意邈音過音海篇

云行至貌龔音平聲龔音二字雖海篇亦不載今俗字集上有之

謂作事軒昂太過之意予有雜字一冊乃宋刻也似此等語皆

出宋時山谷集中有集音真音真音藉音藉音直音直音偈音偈音僮音僮音銳音銳音

雷音蒲逆等字

多謂蜀語也義皆如今時之解但偏僮謂物不蠲也海篇亦曰
惡也不知何意措大為秀才者乃其舉措大道也

今人意錢賭博皆以四數之謂之攤按廣韻攤之下云攤

四數也竹工謂屋椽上織箔曰簷簷廣韻簷字人云符簷竹簷

也采帛鋪謂剪裁之餘曰惋字惋一惟切註裁餘也挑剔燈火

之杖曰柶池念切注火杖也唐以來有之如遮莫鄰雞下五更

杜詩傳將相和睦士卒鳧藻注言其歡悅如鳧戲於水藻也

升庵集篆文二鳥曰雥三鳥曰雥音戢三鳥相聚其羽戢戢也

集字以此其音與積同下以木鳥集於木也音義皆殊元趙古

則周伯溫輩妄作解事便以雥為集非也按隋許善心神雀頌

曰景福氤氳嘉貺雥集可砥周趙之謬雥之與集猶氤之於氳

以雥即為集謂氳即是氳可乎

左傳苑子荆林雍斷其足輦而乘於他車以歸輦音磬一足行

也梅聖俞送寧鄉令張沆詩長沙過洞庭水泊風搖石青山接
夷蠻白晝鳴鸚鵡竹存帝女啼夔學林雍鑿不嫌卑濕憂清風
入詩與此鑿字韻書不收雌黃今人謂駟僧為牙本謂互郎主
互市之事也唐人書互作牙以牙字

因轉
為牙

秬林伐山嬰蘭論衡云籍孺韓媽形嬰骨蘭皮媚色稱嬰與麗
同蘭與好同從蘭省從女蘭取其聲更蕪香也

淇陸魯望寄吳子華詩到頭江畔尋漁事織作中流萬尺淇
取魚具也酉陽雜俎晉時錢塘有人作箕年收魚億計號為萬
尺箕按箕字從洪石梁絕水曰洪射洪呂梁洪是也洪從竹為
箕蓋以竹圍魚此字唐韻不收

卮言漢司隸楊厥碑選通石門選字洪适亦不識為何字按卮

鑿字也鑿省作𦵏又作𦵏者以之代乙如匝作迎匹作迓匹
運迓作隨謂之隸變古有此例干祿字書可攷洪适蓋以六書
求之而不得也唐人書葉法師碑宋人書杜詩禹鑿襄江之句
皆鑿作𦵏代醉編吾子行謂宋儒不識顧𦵏字皆誤為美目𦵏
此𦵏字而讀為盼今詳之從𦵏者音
酒從分者三攀去聲從𦵏者音異

賢奕篇移文中字有日用而不知所自及因襲誤用而未能正
者姑舉一二如查字音義與槎同水中浮木也今云查理查勘
有稽考之義弔本傷也懸也今云弔卷弔罔有索之義票與慄
同本訓急疾今以為票帖綽本訓寬緩今以為巡綽盪本盪也
今以名鏡冑鐳本鉦也今以名釧屬又如閘朝閘辦課程其義
皆未曉其亦始於方言也歟價直為價值足殼為足勾幹運為

宅運此類尤多甚者施之奏章刻之榜文此則承謬踵謬而未

能正者也陸深蜀都雜抄正字以一止為文前代多諱之如齊

元曰天正識者以為一年而敗兩漢無以正紀元

金有正元正隆之號元順帝終至正豈盡偶然耶

涉筆周禮季材稗材也侏儒柱短柱也左傳女牆詩女桑漢書

錢有幼錢壯錢亢倉子苗其耨也長其兄而去其弟

炎微紀聞蜃人瀕海而居以舟為宅或編蓬水滸謂之水欄以

漁釣為業辨水色以知龍居故曰龍人善入水採珠螺馬人本

林邑蠻相傳隨馬援北還散處南海其人深目假喙以採藤捕

蠅為業或曰盧循遺種也故又曰盧亭云按韓退之上廣帥詩

衙時龍戶集上日馬人未即此是也舊解謬誤宛委餘篇已有

辨此証之尤明

堯山堂簡文咏雪詩顛倒使韻以二句衍作四句鹽飛亂蝶舞

花落飄粉隱隱粉飄落花舞蝶亂飛鹽陸龜蒙夏日平聲詩荒

池菰蒲深閑堦莓苔平江邊松篁多人家簾櫳清為書凌遺篇

調絃誇新聲求驩雖殊途探幽聊怡情平上聲朝烟涵樓臺晚

雨染島嶼漁童驚狂歌艇子喜野語云平去聲新開窓猶偏

自種蕙未徧書簫風遙聞釣榭霧破見耕耘間之資嘯咏性最

便希夷全天真詎要問貴賤平入聲端居愁無涯一夕髮欲白

因為鸞章吟忽憶鶴骨客云云徐勝對知府屋北鹿獨

字考

天時辨日稷

昃同孟喜易

月運

淮南子運讀如

角亢

壽星也亢音剛

天醒

音精孫氏瑞應書景星也

蕭星

音

旁魄

音薄日月旁魄

字星

音

天梧

音

賁星

同

天緯

載同揚雄賦上天之經查旭卉兮旭美卉眾

溟滓音茗悻自然 災沴音戾 曬光音知舒也中山 蜚示音泉

旌蜺 雲專音布 連石淮南子至於連石是謂下 經天音其氏

太白經天經音徑謂 澍雨音注時 月朏說文朏音配又音

如織經之往來也 霧淞齊地寒夜霧凝木謂 約約音音

月生二日謂之魄承 霧淞齊地寒夜霧凝木謂 約約音音

月生三日謂之朏承 霧淞齊地寒夜霧凝木謂 約約音音

薄 格澤格胡各切澤音鐸相如賦注格澤氣 太傀周禮太

注傀與 馱雨元裕之詩馱雨東南來自 分野分去 昆侖

怪同 天地之氣 龍貌日月會次雍亦作 朏胸音窕 參昂音經

音渾淪 纂言昂音留在天之 十輝音輝之法注輝曰光悉 何鼓音牛

酉位詩維參與昂 九閱音該九天 關逢太歲在甲日 孺

楚人謂之擔鼓何 著雍音除太歲 困敦太歲在子

上聲一各黃姑 敦牂太歲在午 涖灘太歲在申音吞

梧音語歷書疆梧丁 敦牂太歲在午 涖灘太歲在申音吞

單闕太歲在卯 敦牂太歲在午 涖灘太歲在申音吞

不宛暘 鹿角解音蟹月令仲夏之月鹿 宛暘宛讀作蕘

荀子夏 鹿角解音蟹月令仲夏之月鹿 宛暘宛讀作蕘

韻毒音 柏冬日柏迫 磔攘磔音責裂牲謂磔除禍謂

通作滴士昏禮漏下三商為昏 竺寒竺作篤竺 少選去

蘇子美文三商而眠高春而起 竺寒竺作篤竺 少選去

少頃日 炎歊音 厭旦荀子厭旦於牧之野注厭掩 溽

月令土潤溽暑春秋正 十有三年音 倉熱倉音初寒也

義引之音濡今音辱非 且月六月音疽 幹枝省為 暮景古影

榆暮 上幹音緩幹 廊縣音 藜縣音 湯陰音

地理辨寰內

廊縣

藜縣

湯陰

子

龍亢音同屬臨睢音錐鄆縣音整今真蛇丘音後

大末音龍游臨邛音穹今捷為音乾越雋音隴今楚臺鮐音胡

墊江音疊屬須句音劬今不羹春秋地名博桑音扶

澶淵音禪朱婁音閭輶轅音患麋國音君轉注音蟠

濛汜音祀瀧水縣名瀧音雙表氏辨曲

紅江音同荆茶音同雍州音去盤屋音周室水曲曰天苴益州地名

譙周曰苴音苞與巴相

攜李音醉雲州音殺緱氏音溝鄆城音運閔鄉音聞范陽音止

薄瀉音王以瀉毫編同胸臆集韻漢胸臆縣在巴東郡地

鄆縣音戶崞縣音郭邛樊音窮苛嵐音可歧

下魏了翁曰六經無下馬一韻凡下皆音虎馬音啟詩至於岐

叶甫字在浚之下叶苦字音子禹博士

平天下亦叶苦字可見古之音虎也

黟縣音衣新淦音絳厥愁音鍾春汜水音凡屬澱江音澱

鄆夏音覽有夏氏之民親鄆如夏鄆即殷古證三岔音岔鄭城

路陝兩有三分

于邢音史殷紀祖乙遷四寶音瀆負尾音陪滇池

汨羅音密員嶠音喬响嶺音衡山名浩漾音杏大商顏

山名音崖

偃豬音溫上音宴下邛溝音寒在浸潭音浸鈷鋁潭

集韻鈷鋁過器鈷本作為鑄范

成音大驂鴛音被碕磯音綺整敦音頓廣輪音廣梧土

音哀杯同

嶧隄音崔嵬同華離音華離之地

重郭隗 莊躄 音覺楚 吳餘昧 音抹卽 貴麗 翟方進傳卽

音肥 郇模 唐男子 伯鞞 見史鄭世家與 尚氏 淮南子尚

楚有和今 把秀 把音琶本東樓公之 不準 彪同汲郡人發

魏安釐塚得 楊惲 音蘊 王况 後漢大司 員半千 員音韻

員因 嵇康 嵇音 擣戲 音儻交左 鵬受 卽驩 甄氏 後古

音堅後避孫 于頓 音迪 慕容暭 音 屬齊 宋林希逸號屬齊

切 干寶 非作于 焯人 庖 稍人 行役之事 冥氏 音覓周

切 張為穿獲 蜡氏 周禮蜡氏掌除鼯注骨肉臭蠅 卞人 古

切 賈人 音架識物價貴賤主 慌氏 音茫考工記慌 馮

相氏 音平言馮 眩人 張騫傳眩人眩與幻同 偶人 帝不

道 寓人形于土木如漢書木寓龍木寓馬之寓 哲族氏 鳥之巢

也音剔 赤友氏 猶言赫技也 段氏 周禮段氏為 傅婢 讀曰附

刑也周禮有垂氏焦煖 段氏 周禮段氏為 傅婢 讀曰附

疑妻 擬 否婦 否婦音鄙 盧屋妾 見荀子猶言箕帚 媿

姐 今人呼女兄為姐按集韻姐音菹媿姐女態也又 媿 音

言婦之 方良 同 五百 韓詩註行杖者曰五百本作陌 媿 音

美德也 禮樂辨狸沈 音埋沉祭山林曰狸藏諸地 鮮羔 鮮獻 開右

佑同天 鬲亨 著而 羶薌 音馨 隋 周禮大祝隋 音血

祭燾 禘子有祭燾文祭 祈禱 音斯福也文 鬲辜 音壁孤周

鬲辜 禘四時百物鬲 藁鞞 禮記藁鞞之設鞞音夏楷結同

宴娛 安世樂 三咤 陝駕切書三咤孔 往甯 祀歌穰復正直

往甯言獲福既多歸於正

吳敖音話詩不

殺地殺音效效

道也克當往日所願也

遜攘古讓

綏視曲禮國君綏

拾級

山澤高卑上音

荷禮漢酈食其傳好荷

也以下壁喻音之

肉好肉而救反好去聲好

圓瑩通滑耳

公旬讀為均周禮均

鞅組音上

燁温祭音

度曲自隱度

響昭明也

音諧和曰衣常響昭

彌惇厚義國語

聶許上聶全以言自

聲飛揚曰雅聲遠姚

黃荇音敷

折揚黃荇

三侯史樂書高祖過布

和昶音暢

五均讀

韻曲胤馬融長笛賦曲

憲左音軒

和昶音暢

邱勿音撫摩也

車不雕幾雕刻鏤之也

魚須音班記大夫以

邱勿音撫摩也

大綏旌旗之屬

摘伏音揚

股削音宣

謁蹶音若謁蹶

顛倒也音决

聆響左太冲賦景福聆響

股削音宣

謁蹶音若謁蹶

文學辨壞植音怪值

訓故顏師古曰故者通其指義也

謏聞謏音小

數學半音上教

學問之功居吾身

訓故顏師古曰故者通其指義也

謏聞謏音小

數學半音上教

得依禮不學傳依

訓故顏師古曰故者通其指義也

謏聞謏音小

數學半音上教

言匡且來也昂方且之稱

訓故顏師古曰故者通其指義也

謏聞謏音小

數學半音上教

與賈捐之傳昂貴之昂同

訓故顏師古曰故者通其指義也

謏聞謏音小

數學半音上教

曲也音

訓故顏師古曰故者通其指義也

謏聞謏音小

數學半音上教

臯比音

訓故顏師古曰故者通其指義也

謏聞謏音小

數學半音上教

不忘昔席之言荀子曰臨患難而不忘細席之

訓故顏師古曰故者通其指義也

謏聞謏音小

數學半音上教

疋音

訓故顏師古曰故者通其指義也

謏聞謏音小

數學半音上教

閣音蛇閣

最上乘音平

三觀音貫

施如音楞嚴經施如寶山施

數學半音上教

上刹音察僧寺也

武事辨覲武同

蹶張上音决材官蹶張脚踏張弩張之

憺鄰憺猶動李廣傳威凌憺乎

國隣車輻長揚賦輻輳破穹廬

練組著練袍曰被練漆甲

九十被艾旗艾音刈項籍傳斬將艾旗

彊弩壽王傳十賊彊弩百吏不敢前音郭引滿也

稅介序贊稅介免

七屬禮犀甲七屬

造人敬同史記

驛兵釋作

政造征敵同范睢傳政造伐國

虔劉音

干擻左傳陪臣

干擻干音扞去聲擻側

三百左傳距躍三百曲踊三百音陌猶厲也謂凡三次勉厲而跳以

示其勇也

介胄上音

游徼音叫邏卒偵也

執冰攔同

敵毛讀

路賈路暴露賈讀為袒謂上

兵燹音

飲飛晁錯

官驕發驕謂矢之善有左傳作敢字音同

刑名辨渠率狀頭賊首

比也則

要言平聲左載書要約之言

法比食貨之法

例也辭使從輕劉德

挈令上契同刑獄

平反音

人辭使從輕劉德

左驗音

拊揚音

械室左寘

胥靡音靡荀子注刑徒之

請室音清室請罪

取深室

竒請它比刑法志竒請它比曰以益滋謂常法

底剗音握謂重誅序

法古委字謂曲也淮南

宵顏音

叩首音

略睛日不

形體辨須糜鬚眉同荀子

冥胸音縣其泉賦目

印首音

略睛日不

睛音

頰首頰字

沫血古頰字洗

冥胸音縣其泉賦目

叩首音

略睛日不

眊眊相忤貌漢書作匡皆

亢葬音

冥胸音縣其泉賦目

叩首音

略睛日不

靡骨碎

于思鬚同多

不龜手莊子不龜手之藥龜

宣髮易說卦巽為宣髮注

一音

空竅韓非子空竅者神明

于思鬚同多

不龜手莊子不龜手之藥龜

宣髮易說卦巽為宣髮注

人集卷十

七百五十一

年白髮曰蒜髮 **警效** 警去擬切小聲也

水須 唐帝思謙傳

涕著須 **心儀** 宣許后傳皆心儀

跋盩 賈誼傳病非徒腫也又苦跋盩跋古

而疑也 **掌盩** 古疾字 **襲誠** 古懷字懷

輔車 左傳輔車相依唇亡齒亡則牙齒寒也 **重趺** 疥音壘足

言輔與車相依唇

重趺 疥音壘足

揖厭 音葉儀禮注推手曰厭

蚤甲 蚤與爪同 **韶齒** 音條觀男女七

噫醜 音蔭隘莊子生者噫醜物也注聚氣

貌 **咕囁** 音貼聾耳語

移畫 莊子介者移畫移音侈棄也

去唵 呂覽口去而不唵去開口唵閉口也唵上聲

音翻米汁 **拾瀼** 左無蒲而拾瀼瀼汁也音審

吟咏 音判

潘沐 左哀公十四年使疾而遺之潘沐潘

人事辨齋咨 **地理志** 民俗慎枝慎

慎枝 地理志民俗慎枝慎

音與強也枝堅也 **此處** 又此密偷生無積聚些短窳弱

貪冒 左諸侯貪冒好財曰貪盡利曰冒音墨

慎枝 音與強也枝堅也

文肆質難 反駁索初財厥麗服兮何文肆而質

狂易 五行志

謂病狂也 **變其常也** **縮胸** 又王侯縮胸文六

意忌 多所忌害也

傳文深 **牢愁** 憂也愁音曹

意忌 多所忌害也

不得安 **洿沫** 音烏晦

無膏 音孟

意忌 多所忌害也

音綴 **彫琢** 司馬遷傳今雖欲自

股弁 音樂謂懼

卜節注無志分也 **異莫** 音烈契多節目也其胃次不坦

枝柱 不順從也又

呼晷 **晷音袍** **戀嫪** 力到切說文嫪也

枝柱 不順從也又

愧恧 **恧音** **擻揄** 音耶于舞手相弄笑

牙欵 音哀楊子翦牙欵

惡牙欵言切 **誼詒** 音愛泰莊子誼詒數日注懈倦貌

牙欵 音哀楊子翦牙欵

齒而怒也 **爭榮** 音撐

牙欵 音哀楊子翦牙欵

音甲楊子蠢迪 **孰惡** 熟同猶

牙欵 音哀楊子翦牙欵

奇音基衰 **墨屎** 列子墨屎單至音眉慶方

牙欵 音哀楊子翦牙欵

不正也 **弟靡** 莊子因以為弟靡弟因類字

牙欵 音哀楊子翦牙欵

音 **信缸** 音控慈

牙欵 音哀楊子翦牙欵

戚 **弟靡** 莊子因以為弟靡弟因類字

牙欵 音哀楊子翦牙欵

曲跪同淳于髡傳帶講鞫脰者衣袖
講者臂捍言收衣袖臂捍而曲跪也
七百八十一

鞫錄荀子鞫錄謂自檢束也
同鞫錄謂自檢束也
鞫錄謂自檢束也

騰騫音軒
重輶音權
僕區音區
後騎音騎
張王音張
約劑音劑
物絃音物

足以後寫
門之騎
物所使所碍莊子方且
為緒使方且為物絃

縱史音總
亦作懲
污鱗音烏
排根音排
譴何音譴
齧齧音齧

相對引繩而根格之也吳楚俗謂
牽引前卻為根格根音痕格音鶴

自將音平
將以智自衛護
采譽音采
取也又欲以采名揚四皓

采榮於南
山義同
媚笑音媚
音前
康寧音康
容與音容

扶服音甫
蒲伏亦同
蒼黃音倉
倉皇
次且音次
進之狀

蛾伏音如
過墜音過
擾而倒也
裴回音裴
徘徊音裴

服音
不疑音不
疑也

宮室辨關西辟
平入反鄭伯象魏之西偏
袂振音袂
上中央同振袂中央之振

其兩旁
天州古攀字捺榻也音老
言仰攀其椽可以摸天也

有鈴閣作
暴室音暴
取曝曬
圭窬音圭
窬也

綽楔音綽
門前樹坊
篋械音篋
周禮注堂涂若今篋械疏云

兩椳音椳
孔子夢奠於兩椳
室皇音室
左傳屨及于室皇寢

琴音焚
京賦增桴重琴
令辟音令
致令辟為郭

譙魏城門名麗重也如易麗
澤之麗譙如史記譙呵之譙

臺音周
報王負責無以歸
淵之麗譙如史記譙呵之譙

冠服辨揄狄
翟同揄音搖
母追音母
追也

淵之麗譙如史記譙呵之譙
淵之麗譙如史記譙呵之譙

淵之麗譙如史記譙呵之譙
淵之麗譙如史記譙呵之譙

淵之麗譙如史記譙呵之譙
淵之麗譙如史記譙呵之譙

淵之麗譙如史記譙呵之譙
淵之麗譙如史記譙呵之譙

字本作賚及陳遂與宣帝博數

負進帝後詔云何以償博進

稱

責債同見周禮左

高資資同謂多

榷會音角僧史五宗世

質為廢著音貯又廢居居音

鏤銀用執瑁周禮天子執瑁瑁

此字

歸移荀子使相歸移歸讀為饋移轉也蓋

莫賈周禮賈人知善惡

困窮音殺改音開以大堅也說文曰

宛財上音蘊富有

文為騎馬幕為人面如淳曰

文幕國西域傳難覓

幕音漫帝昭曰幕錢皆也

器用辨越席音活結

牀第音子

橋衡音橋桔捍也曲

茲矢上音

抱机音連傳攝社抱机几同又易渙奔其

鼎鬲

郊祀志昂空

牢盆食貨志因官器作鬻監官與牢

單統音

單極之統斷幹單盡言并

榻具劔上音希焦不疑傳冠進賢

上之幹為汲索契傷也

王作并鹿鹿形

鬲鍤音奴傳多齋鬲鍤執炭重不可

徑路

上刻木作山形

留犁又刑白馬單于以徑路刀留犁

同梳

六奠莫說文酒器也周禮奠以待祭祀賓客楊用修

崩緹音快滿

金錯刀錯音鍍金塗為錯古詩何以報之金錯

又音七

豐才而離也音問集韻豐斝折也

三翻空足曰

舉案

舉案齊眉之案乃古盃字謂盃與

望麗音獨鹿

折即

燭燻為聖管子右手

剖劔曲刀也

箴理上古針

嚙

矢上音鳩矢

哨壺不正也上音消

箭筈音

歎暴乾撓也

乾而撓也

菑粟考工記弓人居幹之道菑

蹴鞠劉向別錄

音整薄

宥坐荀子宥坐之器古同或曰侑同

濯船濯讀

持擢

舩輪雙

洒削鞘同刀

款乃本音禩音禩禩誤朱

行舟

舩輪雙

洒削鞘同刀

款乃

本音禩音禩禩誤朱

辨子有 巾車 去聲同禮 刺船 音威 稔駕 上音脫 五雋 禮五雋

車輪轉一周 致船 文子上求楫而致船上言若絲下言障

為雋音攜 泥 障音章 鍼 柘通王命削珪 行幟 許偃切車 乘輅 音同

左渾良夫衷甸兩牲 寫馬 寫音卸假借字也石鼓文四馬其

枋 音排東漢岑彭傳乘枋單單竹 風檣 上音帆 乘輅 音同

小車漢申公傳 乘輅傳至京師

鳥獸辨 鷓朋 鷓朋 盍旦 一作曷旦夜 華聊 同 蜚廉 蜚飛

尾有翼 敦圉 楊維傳白虎敦圉 僕句 上音旅 鳴子 命鳥

相呼命也馬融 賦求偶鳴子 斤 尺通雀飛 六畜 丑救切本作畧

意怠 鳥音怡 鷓雞 音篤 蠅 上音几 粟毛 上音蠅 不翼 上音

鳳丸 音卯伊尹書丹山 孚乳 月令注燕以施生時來巢人

干 音岸胡 爆牛 爾雅爆牛擊牛也此獸抵觸百獸無 相蹄

獸足曰蹄平聲足相觸曰蹄去聲莊子馬蹄 注鳴 考工記以

音畫味 籛浮雲 籛音羅良馬名 微絃 劇同 馬蠲

音奎月令腐草 蠶戶 上螺同爾雅翼云公輸般見蠶出頭以足

為馬蠲即螢也 書之 蠶引閉其戶終不可開因效之設為

門 程生馬 上音虫 騶 音軌愈獸 不擇音 左傳鹿死不

戶 夫不 音浮 蜂 音 鼻 音避戲 介倪 莊子馬知介

也 邪倪 不殂 破音洳 振 音腎大蛤周禮注歸賑作歸

音審禮記以龍為畜故魚鮪 來措 淮南子徠枕之疾來措注

不涂 涂之也 點駭貌 去其角 楊用修云角字有鹿

籍魚斃字同文子 鷓鴣 同 較畜 上繫謂食養

詩當從中央周四角與足讀為韻又仲長 較畜 之畜謂牧放

統詩神龍喪角與俗為韻可證角亦音祿

淨律音爭能 號嗽音叫 史馬號二百疋 枳首枳作岐音已

後祝音酸 狝白澤也 吞鯁鯁同梁王綸為刺史徵行問賣

維婁音呂繫馬曰維繫牛 拘木荀子拘木必待櫟枯烝 區萌區音

花木辨蕙甫音婁 其棟音東木名管子其桑其松其 琰音

巴且音疽巴且 繩芟同維氏掌殺草秋繩而芟之注含實曰繩

樹見淮南 擣著擣古稠字擣著即藜著 朝菌音窘地 胥邪音耶木

使可為索 甲宅音拆蜀都賦 拆呼音同鄭玄注易百果草木皆

火亞切 相黎土音 萌卉同 根核五行志 薈葛上音臆

椳入聲 果旅說文在木曰果在地曰蕨有核果無核蕨

宛喪辨病革音 石上音 奇佻術音羈該 繆死漢音成

皇后則自 哀臨去聲 楚些音梭 填池音真

謂徹 遣車上音 報葬上音 厭冠喪

曲禮厭冠不入 渴葬上音 方中張湯傳治方中蘇林曰天

注不以壽終 羨門音延墓 復土文紀張武為復土將軍穿

中或言 創鉅音瘡巨 沽功儀禮沽功注沽

斥土 中美音延塚中神道始皇 非亶但 押至上音

又即以 暘死音謁武紀大旱民多 瞠乎音 不蔽音角

通用辨竣事音 紛員紘同 規撫同 放效上音 芒葱音

大氏抵同唐書 塵能上音 瞠乎音 放效上音 芒葱音

戾契音列 景嚮古影嚮字張釋 放效上音 芒葱音

押闔上音 規撫同 放效上音 芒葱音

同 押闔上音 規撫同 放效上音 芒葱音

同 押闔上音 規撫同 放效上音 芒葱音

同 押闔上音 規撫同 放效上音 芒葱音

刺謬上音

頎乎音懇

後拜頎乎其至也

顛若音顛

顛若書一

么麼么細也

不詒音滔

天命不詒

覲縷音羅

言詳悉

兆朕音診

吉凶

百廿顏之推

百廿二十并也音入楊用修曰按廿字諸韻書

身介通同

身介通同苟子不

皆音入惟市井商賈音念而學士大夫亦

身介

通同苟子不

仿佛亦作髮

祀歌作放懸

部發音割

音割荀子聲名

精彌音粗

音粗公

曰侵精

亞者上音鴉

東方朔傳伊

其塵古勤

字楊雄

裒

曰伐

力勳彈同

力勳

鳥獲引牛尾尾

何以异古

何以异

字

世八韓昌黎

世八韓昌黎孔郊墓志孔世世八言郊為夫子三十八世

古庶字漢孔和

隔闕同

重字辨攣攣同

董董少也

董董少也

訢訢音謹

音謹

嗃嗃音壑

音壑易家

泚泚音泛

漆漆讀如切

漆漆者容也

衙衙音魚

音魚楚詞尊

惛惛音昏

音昏

每音和

提提音周

提提音周道挺挺正直也

每每音枚

音枚美也

無見

刺刺音威

刺刺音威語刺

悵悵音時

音時廣雅

仰仰音昂

音昂同禮注

每音和

矻矻音極

矻矻音極

憧憧音克

音克易憧

媒媒音莊

音莊子媒媒

關仰

般般音封

般般音封禪頌般般

收收音穆

音穆虛賦收收

裒裒音安

音安裒裒

古之文

娒娒音貌

娒娒音貌詩好娒娒

姍姍音行

音行視

畢畢音讀

音讀為皤

學盛貌

容容音勇

容容音勇漢郊祀歌旌容

侷侷音圭

音圭侷侷幾欲貌列

皤

容容音勇

容容音勇

容容音勇漢郊祀歌旌容

侷侷音圭

音圭侷侷幾欲貌列

皤

春沒耶

鹿鹿音與

鹿鹿音與陸

份份音彬

音彬同

捲捲音力

音力貌

沒沒耶

鹿鹿音與

鹿鹿音與陸

份份音彬

音彬同

捲捲音力

音力貌

斷斷音理

斷斷音理

斷斷音理志洙泗之間斷斷不可乃忿嫉意

濫濫音蕩

音蕩郊祀志求

斐斐音反

斐斐音反

斐斐音反遲而周邁斐往貌

份份音彬

音彬同

捲捲音力

音力貌

疑似辨閒

疑似辨閒

疑似辨閒坡所書辭翁亭記閒字可見

書畫音話

音話或二音

著除音柱

注酌四音 陪 凡償物之陪 余 今人姓余者書从入从示按

着字俗書 陪 今作陪俗書 余 范余出南昌郡字本作餘省

玉王 上金玉字古無點後加點二畫下 商商 上音傷下音

士昏禮漏下 已已 皆無圈塾師以音似經書中凡終已之已

已無別矣地支之已似與已同蓋取陽氣生 本本 上根本之

美美 上美惡字 誦誦 上音黍諛也 券券 上契券字下

刃刃 上刀刃之 巨巨 上音鉅中从舟 取取 下音

採下音辨 佳佳 下音 圖圖 下與 匕匕 上音彼 谷谷 上

釋番從此 段段 上音斷 易易 上从日音弋 四四 下四

其重切卻 字從下 无无 下音儼 鄰鄰 上際同 西西 下音

医 音藏弓矢者俗 衣示 二字偏傍如袷袷 体 盧本切粗也

虫虫 古虺字俗訛 万 音墨人姓 紙紙 上紙筆字下都令

苗苗 上禾苗下 冢冢 上冢宰又墳 獲 上桑蠶字下

救勅 詔救勅字從東從文今從力傍便於行草 歛 上收斂

也 船舩 下音 脣唇 上唇舌字下 聽聽 上聽聞字 筆

筆 上紙筆字 梯柿 上果名下音 柰柰 上柰何字 北北 下

錫高 受受 上授受字 歆歆 上頤歆字下 儻倘 上儻字

田也 俗俗 上習俗字下 刑刑 上音看削也下 晒晒

止然也 矣矣 下音兮 須須 上音胥下與 姪侄 上音秩兄

質堅 聖聖 下音窟汝穎問謂 樣樣 上式樣下 友友 下音

牢也 撐撐 上撐柱字 母母 上父母 卯卯 下音擠 全全 上全

字同 戊戌 上戌守 陝陝 上關陝字 賣賣 下音昱讀 憐憐

上憐愛字
下音零

釐厘上毫釐
下塵同

淨淨上潔淨
下音帳寒也

札劄上簡札
下音洽切奏

事劄

沈沈上音軌
下洹同

養養上養育
下音眷祭同

祆祆上神
下音天

異地

飾飾上修飾
下音希

耆耆上耆老
下音荒

鐵鉄上鋼鐵
下音鉄

音具池塘也

園園下音完
削也

劉劉下音辣
僻也

屈屈上屈至
下音白穴

也

厝厝下音寂
縣在清河

敷敷上剔歷
下音異輕簡也

汨汨上汨溪
下音暈

水流

邪邪上卯
下酉

壬壬下音擬
也證也善

笑笑下音替
車飾也家訓亂旁為

無耳

龜龜奮奪從聲音薛席中加帶惡上安西鼓外設皮鑿頭

生髮

離則配禹壑乃施詒巫混經傍臯分澤片獵化為為寵葉

左齋

土靈底著器率字自有律音強改為別單字自有善音輒

析成

異如此之類不可不治蒼頡訓詁及押為速賣反姓為垂

戰國

策音列為免穆天子傳音諫為間說文音屢為棘讀血為

往字

林音看為口其反音伸為辛韻集以成仍宏登合成兩韻

為音

益石分作四章李登聲類以系音弄劉

昌宗

周官音讀乘若承此例甚廣必須考校

周官

音讀乘若承此例甚廣必須考校

音讀

乘若承此例甚廣必須考校

乘若

承此例甚廣必須考校

承此

例甚廣必須考校

例甚

廣必須考校

廣必

須考校

須考

校

校

